

COUTUMES  
ET  
ORDONNANCES

STATS DE TOURNAI  
—  
STYLE  
DU PARLEMENT  
DE PARIS

OE<sup>xv</sup>  
558

RÉSERVE





FROM  
ST  
VOCALS

STOURS  
THE  
PRINT  
1915

EN  
88  
ERVE



67857. **Etats de Tours.** C'est l'ordre qui a été gardée (sic) à Tours et qui s'appelle devant le roy nostre seigneur ceux des troys Estatz de ce royaume. Sans lieu, ni date (1484). Pet. in-fol., gothique à longues lignes, rel. pleine en mar. brun du Levant, à nerfs, fil. à compart., dent. intér., tr. dor. (Reliure de Capé). 200 fr.




Livre de la plus grande rareté. Il est imprimé avec les caractères de gothique bâtarde dont Jean Du Pré s'est servi à Paris en 1483 pour les Nobles malheureux de Boccace. Cette relation ou procès-verbal de la session des Etats de Tours, avec les harangues qui furent prononcées par divers personnages en cette occasion, a été imprimée à l'époque même. On a prétendu que ce serait là le premier livre imprimé à Tours et que Jean Du Pré se serait déplacé en cette ville comme il l'avait fait l'année précédente à Chartres. Le fait ne nous paraît pas bien prouvé, car les filigranes, qui sont l'étoile à huit rais, le P gothique à queue retournée surmonté d'une petite croix, un P tréflé plus petit et l'écu fleurdelysé, ne constituent pas des marques du papier tourangean, mais bien de papiers couramment employés par les imprimeurs de Paris et ne viennent pas justifier cette assertion. — Cet exemplaire a appartenu à M. Taschereau et a fait partie depuis de la collection de Benjamin Fillon. Selon une note de ce dernier mise en tête du volume, la Bibliothèque Ste-Geneviève posséderait le seul autre exemplaire connu de ce livre rarissime. Il en existerait un troisième qui a été vendu en 1845 et qui est passé ensuite dans la collection Ruggieri. Les exemplaires sont différents et ne contiennent pas tous les mêmes pièces. Celui de la Bibliothèque Ste-Geneviève est le plus complet des trois. Il contient, après le double cahier es, un cahier de 4 ff., intitulé : *Response faicte et prononcée par Mgr le Chancelier aux troys Estatz, le roy présent, qui ne se trouvait pas dans notre exemplaire.* Ce discours a été refait par Pulinsky en fac-simile tellement parfait qu'on ne peut s'apercevoir de cette adjonction sans en être prévenu et qu'on peut s'y tromper et prendre ces pages pour originales. L'exemplaire Ruggieri, qui a atteint près de 500 francs, se terminait comme le nôtre par une harangue de Jean de Rely finissant ainsi : « *Pronunciata per me Johannem de Rely canonicum Parisiensem coram rege et dominis principibus pro deputatis trium statuum regni. In civitate Turonensi die jovis xij februarii, anno dni Millesimo cccc.lxxxiiij.* » Cette date de février 1483 correspond à 1484 (nouv. style). L'impression a dû être faite peu de temps après. L'exemplaire de Ste-Geneviève contient de plus un *procès-verbal de collation* du procès-verbal : *Collacion par nous faicte avec l'original en ceste forme en papier, signé J. Robertet, etc.* — TRÈS BEL EXEMPLAIRE.

Extrait d'un catalogue de Claudin  
Libraire rue Dauphine, du mois de  
février 1847.





























(p. 2)



# Es ordonnances royaulx nouvelle

ment publiees a Paris de par le roy Loys. xiiij. de ce nom. Le. xiiij. iour du  
moy de Juing. Lan mil. CCC. xcij.





Handwritten text in a cursive script, likely a title or heading, located at the top of the page. The text is faint and difficult to decipher.







**R**oy par la grace de dieu Roy de france. Sauoir faisons a toz  
presens et aduenir que nous considerans come ainsi que iustice  
est la premiere et plus digne des vertus cardinales aussi est elle  
la principale et plus necessaire partie de toutes monarchies Roy-  
aumes et principaultez bien conduictes et ordonnees par laquelle  
les roys regnent et les seigneuries sentretiennent quant ilz la  
font bien et deuement rendre et administrer a leurs subgectz selon  
quil est ordonne de dieu et quilz y sont tenuz. Et que ainsi que ce  
royaume par la grace de dieu est le premier et mieulx doue de toutes choses que nulz au-  
tres Aussi a il communement este de tout temps mieulx regy et gouuerne que nulle autre  
monarchie en iustice Laquelle ya este iustement et egalemēt administree a tous sans ac-  
ception de personne Mesmement entant quil a peu toucher les desirs vouloirs et affe-  
ctions des roys noz predecesseurs lesquelz en eulx voulant acquicter enuers dieu et leurs  
subgectz ont fait et estably plusieurs bonnes saintes iustes et tresvtilles constitutions et  
ordonnances pour a lhonneur de dieu faire rendre et administrer deue et vraie iustice au  
peuple et subgectz ql leur a cōmis. Et oultre de ce pour icelles faire mettre a deue execu-  
tion ont ordōne et estably en tous les quartiers et prouinces de ce royaume grant nom-  
bre dofficiers de iustice tant souverains q̄ autres lesquelz ilz ont bien et grandement sa-  
lariez sans y vouloir aucune chose esparagner pour le bien de leur peuple En quoy ilz ont  
bien voulu autant employer et despendre que plusieurs autres roys et gr̄s princes ont  
de reuenue dōt avec les autres bōnes oeuvres ilz ont acquis et merite sur toz autres roys  
et princes le nom de treschrestien. Tutesfours pource que nous auons este aduertiz que  
tant a loccasion des guerres et diuisions qui ont parcy deuant regne en cedit royaume:  
come par la faulte et negligence de plusieurs noz officiers lesquelz ne gardent pas si son-  
gneusement quilz deuroient icelles ordōnances ains en contreuenant a leur sermēt et au  
deuoir de leurs offices sont maintesfours le contraire. Et aussi pource que selon la varie-  
te et changement des temps plusieurs choses pourroient estre adioustees ou diminuees  
ausdictes ordōnances pour le bien de iustice et de nosditz subgectz. Parquoy nous qui desi-  
rons sur toutes les choses mortelles que de nostre tēps et regne nosditz royaumes et sub-  
gectz soiēt bien regiz et gouuernez par bōne et deue iustice et police auōs fait venir et assen-  
bler en ceste nostre ville de bloys aucuns platz p̄sidents et p̄seilliers de noz cours de parle-  
mēt de Paris Tholouse Bourdeaulx et aussi aucuns noz seneschaulx et baillifz. Lesquelz  
avec nostre ame et feal chancellier nostre ame et feal cousin et conseilier leuesque dalspy  
Aucuns de noz chambellans et les gens de nostre grant conseil a ce par nous cōmis et or-  
donnez Ont entendu vacque et besongne aux choses dessusdictes en tresgrant soing cu-  
re et diligence par plusieurs iournees et ont mis et redige par escript plusieurs pointz et  
articles pour le bien et acceleraciō de la iustice prouffit et vtilite de nosditz royaume et sub-  
gectz que depuis nous auons fait veoir en nostre presence et de plusieurs princes et sei-  
gneurs de nostre sang Par le cōseil aduis et deliberation desquelz et aussi de noz dessus-  
ditz conseilliers Auons de nostre plus ample puissance et auctorite royal fait et auctori-  
se faisons et auctorisons par cestes a tousiours pour ordōnances fermes et estables

A ii.



Lesquelles nous voulons a tousiours inuiolablement et sans enfreindre estre gardees entretenues et observees de point en point par nos officiers et subiectz sans aucunement y contreuenir selon leur forme et teneur. Et pource que la premiere et principale partie de iustice cest religion pour laquelle faire garder et observer aient este faictes plusieurs belles constitutions cōtenues es saintz decretz de basle et pragmatique paction dont sommes protecteurs Lesquelles parcy deuant ont este mal observees et gardees A ceste cause enhortons tous les prelatz chappitres et gens deglise de nostre royaume de faire faire les residences lectures et p̄dications par les chanoines p̄bendes es eglises metropolitaines et cathedrales des p̄bendes theologalles. Et aussi de garder et observer et faire garder et observer de point en point le contenu es rubriques cōcernans le seruice diuin et aultremēt inserees en ladicte pragmatique paction au tiltre quomodo diuinū officium sit celebrandum: et aultres ensuyuans: aultrement en leur default y sera pourueu comme de raison.

ii

**Item** Et iacoit ce q̄ par les decretz de basle et pragmatique paction sont sommes protecteurs et cōseruateurs apent este faitz plusieurs decretz et p̄stitutions pour pourueoir aux gradez simples et gradez nommez des vniuersitez Toutefois pour la difficulte de la preuue du tour: les maistres regens et aultres gradez sont frustrez de leffect desditz decretz et les collateurs ordinaires perturbez. Et avec ce pour lincertitude dicelluy tous les benefices sont litigieux et querelleux Pour ausquelz abus obuier et a ce q̄ lesditz decretz et pragmatique sortissent leur effect auons ordonne et declaire declairons et ordonnons que le tour desditz gradez simples et gradez nommez commencera le lendemain de pasques prouchainement venant quon dira mil. V. c.

iii

**Item** Et comme protecteur desditz saintz decretz et pragmatique auons enioinct et enioignons a tous les prelatz chappitres et aultres collateurs et patrons ecclesiastiques de nostre royaume et daulphine de faire registres loyaulx et entiers de toutes collations et presentations faictes par eulx ou leurs vicaires et iceulx renouueller de cinq ans en cinq ans lesquelz registres lesditz prelatz et collateurs seront tenez de monstrier et exhiber ausditz gradez simples et gradez nommez toutesfoiz que par eulx ou iustice en seront requis et a ce faire seront contrainctz par toutes voyes et manieres deues et raisonnables.

iiii

**Item** enioignons aux vniuersitez de nostredit royaume et daulphine sur peine de suspension et priuatiō des priuileges par nos predecesseurs a eulx donnez et aultres peines arbitraires: q̄ doreseuuant en decernāt les nominatiōs pour les suppostz desdictes vniuersitez ilz se reglent selon la forme et teneur de ladicte pragmatique paction de poit en point sans obiecter aucune chose tant pour le temps de lestude des escoliers q̄ pour les degrez cum rigore examinis et aultres choses requises par ladicte pragmatique et q̄s



ne promouent aucun a degre et honneur sil nest pdoine et approuue de meurs science et quil aye merite.

**2** **5**

**I**tem et pour plus ample declaration Auons en declairant ladicte pragmatique ordonne et ordonnons en ensuyuant icelle pragmatique punction que les collateurs ordinaires & patrons ecclesiastiques de nostredit royaume et daulphine ne seront tenez conferer la tierce partie des benefices estans en leur collation ou presentation a aucuns graduez simples ou graduez nommez Sinon que iceulx graduez ayent estude par temps souffisant et quilz soient de la qualite et aient fait leurs diligences de tout selon la teneur de ladicte pragmatique. Cestassauoir les maistres licenciez ou bacheliers formez en theologie par dix ans. Les docteurs ou licenciez en decret canon ciuil ou en medicine par sept ans. Les maistres ou licenciez es arts & avecques rigueur de pamen par cinq ans. a logicalibus inclusive. ou en aultre plus hault et superieure faculte. Les bacheliers simples en theologie par six ans. Les bacheliers en droit canon ou ciuil par cinq ans. Si non quilz fussent nobles ex vtroqz parente. et danciene lignee. Duquel cas il souffira quilz aient estude par trois ans. Et seront tenez iceulx graduez faire foy de leursditz degrez temps et noblesse dessusditz par enseignemens legitimes ausditz prelatz et collateurs dont ilz serot tenez leur laisser les doubles si lesditz collateurs le requierent.

**2** **vi**

**I**tem serot tenez les graduez voulans auoir les eglises parrochiales estans dedans les villes murees auoir estude par temps dessusdit et faire tout ce que dessus est dit. A tout le moins serot tenez auoir estude en theologie ou en droit canon ou ciuil par trois ans. ou seront tenez estre maistres es arts en vne vniuersite fameuse et priuilegiee.

**2** **vii**

**I**tem auons ordonne et ordonnons que les vniuersitez qui voudront nommer ausditz prelatz collateurs ou patrons ecclesiastiques en ensuyuant la teneur de ladicte pragmatique ne pourront nommer sinon les graduez actuellement residens et sans fraude en icelles vniuersitez & en leursdictes nominations seront tenez declairer les degrez et le nombre et qualitez des benefices de leursditz nommez.

**2** **viii**

**I**tem auons ordonne et ordonnons que pour oster toutes diuersitez d'opinions q en ensuyuant les saintz decretz et pragmatique punction; que tous et chascuns les graduez soient simples ou nommez seront tenez desinuer leurs degrez et nominations chascun an ou temps de liarefme ausditz platx collateurs ou a leurs vicaires aultrement ne se pourront ayder ne prandre droit esditz benefices come graduez simples ou graduez nommez. Mais les collations qui en ce cas se feront par lesditz prelatz ou collateurs a aultres que ausditz graduez simples ou graduez nommez tiendront et vaudront.

**A 3**



**Item** et pource que au des este aduertiz que plusieurs desditz graduez simples et aussi graduez nommez ont mis en proces plusieurs personnes iacoit ce que lesditz degrez et nominations n'ayent este insinuez ou temps de l'aresme en venant directement contre l'intention de ladicte pragmatique. Pour ces causes et aultres a ce nous mouuans: et aussi pource que comme dit est sommes protecteurs de ladicte pragmatique mandons et neant moins enioignons aux gens tenans nos cours de parlemens baillifz seneschaulx et aultres iusticiers et officiers que information prealablement faicte sommeremēt et de plain des insinuations desditz degrez et nominations: ilz et chascun deulx procedent au iugement des proces desdictes matieres pendans par deuant eulx qui ne seroient encores contestez et sur lesquels n'auroit este donnee sentence ou arrest de recreance ou sur le plain possessoire desditz benefices sans auoir regard ausditz graduez simples et nominations desditz graduez nommez qui n'auront insinue leursditz degrez et nominations dedans ledit temps de l'aresme ausditz collateurs ou leurs vicaires en maintenant et gardant oudit cas se mestier est ceulx qui auront les collations des ordinaires.

**Item** auons ordonne et ordonnons que la ou il sera trouue en fin de proces que lesditz graduez simples ou graduez nommez auront calumnieusement mis en proces quelcun pour raison d'ung benefice qui ne seroit ou cherroit en tour desditz graduez simples ou nommez ou seroit trouue incapable. En ce cas lesditz graduez simples ou graduez nommez seront ou cas dessusdit priuez et deboutez du priuilege d'auoir et obtenir benefices par vertu desditz saintz decretz et pragmatique punction iusques a six ans pour la premiere fois et perpetuellement pour la seconde. Le tout des huit articles precedens par maniere de prouision et iusques a ce que par leglise gallicane que entendons exhorter de soy assembler aultrement en soit ordonne.

**Item** auons statue et ordonne statuons et ordonnons que es collations en regalle qui par nous doreseuuant seront faictes sera declaire le temps de l'ouverture dicelle. Et si au parauant trente ans l'ouverture auroit este: que lon ne despesche lesdictes collations et dons en regalle. Et si par inaduertence ou aultrement lesdictes collations estoient despeschees que les iuges a icelles n'ayent aucun regard. Lesquelles oudit cas nous auons declairees et declairons desapresent nulles et de nul effect et valeur.

**Item** auons defendu et defendons a tous nos officiers que es archeueschez eueschez abbayes et aultres benefices de nostre royaume esquelz n'auons droit de regalle ou de garde ilz ne se mectent dedens ne es fortes places diceulx. Sinon es benefices et places fortes qui seroient assises es fins limytrophes de nostre royaume et aultres pays de nostre subiection dont incouuenient en pourroit aduenir a nous et a nostre dit royaume. Duquel cas nosditz officiers ne pourront pour la garde et tuition desdictes places prendre aucune



chose des biens et fruitz desditz benefices sur peine de priuation de leurs offices restitu-  
tion desditz fruitz et biens & despens dommaiges et interestz. Mais quant il seroit que  
stion de tauper aucüne chose a nosditz officiers pour la garde & tuition desdictes places ilz  
se pourront tirer par deuers noz cours de parlemens ou ressort esquelz lesditz benefices  
et places fortes seront assises et bailler leur requeste a ceste fin pour par nosdites cours  
estre procede a ladicte taupation se faire se doit comme de raison. Et defendons a tous  
nobles & aultres personnes priuees quilz ne se mettent ou entrent dedans lesditz benefi-  
ces: sur peine destre pugniz cōme sacrileges & cōmetans force priuee ou publique. Tou-  
tesuoyes par ce nentendons priuer les pretendans droit de garde esditz benefices vacans  
lesquelz auroient obtenu sentence ou arrest dudit droit: mais voulons quilz en ioyssent  
en ensuyuant lesdictes sentences ou arrestz. Et quant est des aultres pretendans ledit  
droit de garde qui n'auoient obtenu lesdictes sentences ou arrestz touchant ledit droit ne  
pourront eulx mettre ne entrer esditz benefices de leur propre auctorite: combien qlz fus-  
sent en possession dicelluy droit. Mais oudit cas pourront eulx tirer par deuers nous ou  
nostredit chancelier: et nous donner a entendre leur dit droit pour leur estre pourueu au  
cas par lectres adressans a noz iuges ordinaires comme de raison. Les loix ordonnances  
et louables coustumes concernantes le fait de la confection des inuentoires des biens  
meubles estans dedans lesditz benefices tant de la iurisdiction ecclesiastique que tempo-  
relle demourans en leur force et vertu.

*¶* **liiii**

**¶** Item que lon ne pourra en quelque matiere que ce soit sur vng mesme fait contenu  
es escriptures et addicions desdictes parties produire ne faire examiner q̄ dix tesmoins  
pour le plus. & ne sera comptee vne turbe que pour vng tesmoing es cas que on a acoustu-  
me examiner tesmoins en turbe. Et les tesmoins qui seront examinez oultre ledit nō-  
bre de dix seront reiectez: & n'aura len aucun regard a leurs ditz et depositions. Et avec ce  
sera le commissaire qui aura examine plus de dix tesmoins sur vng mesme fait mulete  
a l'arbitraige d'uinge en lauditoire duquel sera rapporte ladicte enqueste. Et si esdictes  
escriptures & addicions desdictes parties y auoit articles faisans mention d'ung mesme  
fait nous ordonnons que les commissaires qui feront lesdictes enquestes accoleront les  
articles faisans mention d'ung mesme fait.

*¶* **liiii**

**¶** Item que tous commissaires besongnans es enquestes soient de noz cours de par le-  
ment baillifz seneschaulx iuges royaux leurs lieutenans ou aultres facent eulx mes-  
mes les examens & interrogatoires des tesmoins presens leurs adioinctz & nomment  
leurs depositions ou escriuent se bon leur semble. En leur defendant quilz ne facent  
faire lesditz examens de tesmoins par leur ditz adioinctz ou clerks: ains les facent en  
leurs personnes comme dit est.



**Item** que tous commissaires qui examineront tesmoins soient tenuz de les interroguer de la raison de leurs ditz et depositions et icelle raison rediger par escript avec la deposition desditz tesmoins sur peine d'amende arbitraire.

**Item** nous ordonnons que apres que le demandeur aura pose et afferme par serment aux saintes euangilles de dieu quil croit le contenu en sa demande et escriptures estre veritable: tant en noz cours de parlemens que par deuant tous aultres iuges royalz le defendeur sera tenu en sa personne sil est ou lieu ou sera demene le proces respondre par ce dit bel non credit pertinentement par son serment aux euangilles a chascun article des escriptures du demandeur. & ou icelluy defendeur seroit absent dudit lieu: et semblablement le demandeur Seront tenuz denuoyer l'affirmation et position de leurs faitz et la response pertinente par escript signee da leur main silz scauent escrire: ou sinon dung notaire royal a leur requeste sur ung chascun article dicelle demande et de fen. a leurs procureurs avec procuration souffisante pour y respondre et proceder par lesditz procureurs selon le contenu desditz articles signez comme dit est.

**Item** auons ordonne et ordonnons que les clerks des commissaires et de leursditz adioinctz soit quilz soient conseillers de nosdictes cours baillifz seneschaulx & iuges ou leurs lieutenans generaulx ou particuliers et aultres iuges ne puissent riens prandre de ceulx pour qui leurs maistres auront besongne esdictes enquestes: fors et excepte pour leurs escriptures les minutes et grosses denquestes et proces verbaulx selon les ordonnances de noz predecesseurs et que raisonnablement ilz ont acoustume dauoir par la taxation qui leur en est faicte par nosdictes cours baillifz seneschaulx ou aultres noz iuges.

**Item** neautmoins ordonnons que les clerks feront serment a leurs maistres. Et mesmement ceulx de noz presidens & conseillers en nosdictes cours de parlemet de non reueler aucune chose du secret desdictes enquestes examen de tesmoins ou quelque chose concernant le fait de nosdictes cours.

**Item** auons ordonne et ordonnons que les conseillers de nosdictes cours de parlemens ne pourront aller en commission hors le parlement sinon quil soit question de baronnie chastellenie ou aultre matiere qui feust de la valeur de deux cens liures de rente & au dessus: ou deuesche abbaye prieure couentuel dignite ou aultre benefice de la valeur de quatre cens liures portez & la partie le requiert: & ql feust en ce cas delibere par la court que la commission se deust adresser a nosditz conseillers. Toutefois nentendons q es



cas ou ladicte court en voyant les proces verroit estre a pourueoir ex officio es grandes matieres criminelles ou de limites qui bonnement ne se pourroient aultrement auerir ou vider elle ne le puisse a sa discretion.

**Item** que nosditz presidens ne pourront executer les commissions qui leur aduient en distribution ou aultrement sinon quil feust question de duche conte baronnie ou aultre seigneurie de mil liures de rente & au dessus ou deueschez abbayes ou aultres benefices vallans deuy mil liures tournors portez & au dessus & que la partie le requiere.

**Item** auons defendu & defendu et defendons a nosditz presidens et conseilliers qils ne voient pour les parties en commission le parlement seant soit par nostre congie ou de nosdictes cours sinon quil y eust cause urgente et quil feust question desdictes matieres de duche: et contez: baronnie: chastellenie et aultres de qualite dessusdicte es precedans articles respectiuement. Duquel cas la matiere sera mise en deliberation en nosdictes cours et si la cause estoit trouuee par nosdictes cours si tres urgente et necessaire que pssent ou conseillier y deust aller ledit parlement seant. En ce cas nosdictes cours respectiuement pourront si les parties le requierent ordonner commission estre deliuree a nosditz presidens ou conseilliers. Pourueu touteffoiz que de chascune chambre de nostredicte court de parlement de paris il nen pourra oudit cas aller que vng a la foiz. Et pour le plus durant ledit parlement. Et de nosditz parlemens de tholouse & de bourdeaulx vng seulement de chascune de nosdictes cours sur peine de priuation de leurs gaiges de troyz moys pour la premiere foiz et suspension de leurs offices dun an pour la seconde. et pour la tierce de plus grant peine arbitraire.

**Item** auons inhibe et defendu inhibons et defendons a nosditz presidens et conseilliers que doresenauant ilz ne prennent leurs despens ou aultre chose equiuallente a iceulx. Soit que lesditz despens leurs feussent offers voluntaiement liberalement ou aultrement en quelque maniere que ce soit. Sur peine a nosditz presidens et conseilliers de priuation de leurs gaiges pour vng an pour la premiere foiz. Et pour la seconde de suspension de leurs offices et aultre peine arbitraire et aux parties aussi d'amende arbitraire.

**Item** ordonnons en ensuiuant les ordonnances faictes par nos predecesseurs q tous nosditz presidens & conseilliers se trouueront a la saint martin sur la peine ptenue esdictes ordonnances. Et declairons & voulons q quelques lectres missiues q escriues a nosditz presidens & conseilliers pour les faire demourer et retarder aps ladicte feste saint martin ou aller en commission durant ledit parlemēt pour lesdictes parties ilz ne cotreuiennent a ladicte ordonnance. & que sous ombre dicelles ilz ne puissent pretendre ne alleguer excusatiō legitime. En declairant



les enquestes executions darrestz et aultres exploiz faitz par nosditz presidens et cōseil-  
liers durant ledit temps en contreuenant a nosdictes ordonnances soubz ombre de nosdi-  
ctes lectres et aultrement nulz a de nul effect et valeur. Et en oultre enioignōs aux gref-  
fiers de nosdictes cours de ne bailler signer ne deliurer aucunes cōmissions es cas des-  
susditz a nosditz presidens a cōseilliers sur peine pour la premiere foiz de suspension dun  
an. a pour la seconde de priuation de leurs offices.

**xxviii**

**Item** a la fin du parlement les distributions des cōmissions se ferōt en la manie-  
re qui sensuit Cestassauoir les enquestes a examen en la maniere acoustumee. Et au re-  
gard des executions darrestz chascun des rapporteurs pourra choisir vne commission de  
son rapport telle q bon luy semblera a le reste des cōmissions de execution darrest qui chet  
en cōmission se distribuera selon lordre a antiquite: a es chāmbres ou ilz aurōt este rapportez  
par les p̄sidents ou aultrement ainsi q lesditz p̄sidents verront estre a faire pour le mieulx

**xxv**

**Item** pource que souuentessoiz aduient que pour maladie des pere et mere et suc-  
cessions escheues a nosditz cōseilliers ou aultre cause raisonnable touchant leurs affai-  
res particuliers nosditz cōseilliers sont cōtrainctz eulx absenter hors nostredicte court  
Ordonnons que ce faire ne pourront sinon par congie et licence de nosdictes cours. Les-  
quelles respectiuement leur arbitreront le delay plus brief que faire se pourra pour leur  
retour selon lexigence de ladicte matiere. Sur quoy nous enchargeons la conscience de  
nosdictes cours.

**xxvi**

**Item** ordonnons que si aucun de nosditz cōseilliers estoit occupe tellement quil  
ne peust ou voulsist aller en commission il ne la pourra bailler a vng aultre sans cōgie a  
permission de nosditz presidens.

**xxvii**

**Item** a pource que voulons et entendons nosdictes ordonnances a chacune dicelles  
mesmement celles qui touchent le fait de nostredicte court de parlement estre entierement  
gardees a observees par nosditz p̄sidents cōseilliers a aultres suppostz dicelle court. Et  
si aucune chose estoit parcy apres faicte au cōtraire p̄uision p estre donnee tellement que  
faulx incōuenient ou scandale ne sen puisse ensuyr. Doulons a ordōnons q doreseuāt  
de. xv. iours en. xv. iours ou du moins vne foiz le moys les p̄sidents de nostre court ense-  
mble ceulx des enquestes sassemblent au mercredi apres disner selon a en ensuiuāt lordon-  
nance aultressfoiz faicte pour la conseruation a entretiēnement desdictes ordonnances.

**xxviii**

**Item** Et auquel iour ilz appelleront entre eulx tel nombre de cōseilliers de ladicte



court iusques a deux de chascune chambre du moins telz q ilz aduiseront. Ausquelz no<sup>s</sup> auons charge et enioinct chargeons et enioignons sur leur honneur et conscience et le deuoir de leur office q oultre les aultres matieres desquelles audit iour de mercredi ilz doiuent deliberer et communiquer selon ladicte ordonnance ilz regardent aduisent et prennent ensemble conseil aduis et meure deliberation de ceulx de ladicte court soient presidens conseilliers ou aultres. Lesquelz en mesprisant cōtrevenant ou mectāns a non chaloir nosdictes ordonnances seroient trouuez irreuerans et desobeissans a nous a ladicte court ou aux p<sup>r</sup>sidens dicelle: ou q<sup>l</sup>z seroient negligens ou nonchallans de venir en ladicte court aux iours et heures quil est requis et p faire la residence deuue et ordōnee ou qui ne feroiēt leur deuoir de rapporter et extraire les pces et matieres dont ilz sont ou seroient charges sans vacquer aux deliberations et conseilz de ladicte court rapportz et opinions des presidens et conseilliers dicelle: ou q de leur auctorite feroient chose reprehensible ou desroquant a nosdictes ordonnāces a lonneur et grauite de ladicte court et des p<sup>r</sup>sidens dicelle.

*xxxix*

**¶** Item et ausquelz presidens et conseilliers ainsi assemblez q dit est Auons donne et donnons charge cōmission puissance et auctorite et expressement enioinct de remonst<sup>r</sup>er ausditz presidens conseilliers et aultres suppostz da ladicte court quilz trouueront estre coupables des fautes irreuerences et negligences dessusdictes ce q<sup>l</sup>z verront a remonst<sup>r</sup>er et silz voyent la matiere disposee et que le cas le requiere. Sur quoy chargeons leur hōneur et cōscience cōme dessus de suspendre les dessusditz et chascun deulx de leurs gages ordinaires et apresdisnees de ladicte court et de lentre dicelle court pour vng mois ou tel aultre temps moindre et au dessous que leur semblera estre raisonnable a faire selon lexigence du cas: en apant regard a ceulx qui seroiēt plus coustumiers de encheoir esdictes fautes coupes ou negligēces. et supportent ceulx qui sont plus coustumiers de faire leur deuoir et saquicter diligemment en leursditz offices: ou de faire rapport en ladicte court desdictes fautes coupes et negligēces pour en faire telle punition que par icelle seroit aduise: et aussi de nous en aduertir quant mestier sera et bon leur semblera pour y estre par no<sup>s</sup> pourueu selon q trouuerons estre a faire par raison. Et oultre enioignōs et cōmandons ausditz p<sup>r</sup>sidens et des dessusdictes assemblees inquisitions deliberations et punitions ilz facent faire registre affin q par icelluy puissions pour le bien de iustice deux foiz lan ou quant bon nous semblera estre aduertiz et adcertenez de lentreteinnement de nosdictes ordonnances ou des infractions dicelles.

*xxx*

**¶** Item voulons et ordonnons que doreseuuant quant par nous sera pourueu a aucun office de president ou conseillier en nosdictes cours que en ce cas celui qui sera ainsi par nous pourueu soit examine par tous les dessusditz p<sup>r</sup>sidens appelle avec eulx tel nōbre des conseilliers desdictes cours quilz verront estre a faire et bon leur semblera. Et sil est trouue souffisant et p<sup>r</sup>doine pour ledit office exercer procederont a sa reception et institution. Et semblablement sil nest trouue p<sup>r</sup>doine souffisant ne cappable en ce cas ne sera par eulx receu mais no<sup>s</sup> en aduertiront pour y pourueoir daultre parsonnaige habille et



pdoine et souffisant ainsi que pour le deuoir de iustice sommes tenuz de faire.

**Item** et pource que par aultres ordonnances est expressement ordonne que quant nul puisse estre pourueu d'aucun office de president ou conseillier de nosdictes cours il est expressement requis quil soit esleu ou nomme par nosdictes cours et que a faire lesdictes elections et nominations se peut faire et comectre des abus Auons a ceste cause ordonne et ordonnons que doreseuuant en faisant lesdictes elections et nominations desditz presidents ou conseilliers iceulx nosditz presidents et conseilliers ainsi elisans et nomans iureront sur les saintz euangiles de dieu es mains du premier president de ladicte court ou aultre qui en son absence presidera deslire sur son honneur et conscience cellui quil saura et cognoistra estre le plus lectre experiente vtile et prouffitabile pour lesditz offices respectiuement exercer au bien de iustice et chose publique de nostre royaume.

**Item** et affin que lesdictes nominations ou elections se facent sans faueur et fraude Vouloirs et ordonnons en oultre que doreseuuant lesdictes nominations et elections se feront publicquemēt de vive voix et non par ballottes et que des trois parsonnaiges que on a acoustume de eslire et nommer ne se pourra nommer ou eslire que ung parsonnaige natif ou resident en nostre ville de paris.

**Item** que nos baillifz seneschaulx conseilliers et presidents de nosdictes cours de parlement et aultres nos officiers et iusticiers ne pourront estre conseilliers pensionnaires officiaux ou vicaires generaux d'aucun prelat ou seigneur temporel sur peine de suspension de leurs offices et priuation de gaiges ainsi que par nosdictes cours sera aduise.

**Item** auons defendu et defendons pareillement a nos procureurs et aduocats de non plaider ne consulter les parties contre nous sur peine de semblable peine de suspension de leurs offices et priuation de gaiges. Les ordonnances de nos predecesseurs touchant nos procureurs et aduocats en nos cours souveraines demourans en leurs force et vertu.

**Item** auons defendu et defendons a nos baillifz seneschaulx procureurs ou leurs lieutenans de ne prendre aucuns gaiges ou pensions des subiectz de nos bailliages et seneschaucies. et que nosditz baillifz seneschaulx et iuges ou leurs lieutenans ne soient iuges chastellains ou baillifz des iustices ressortissans a leurditz bailliages seneschaucies ou iurisdicions sur peine de semblable peine.



**Item** que le filz frere gendre nepueu et clerc ne pourront estre prins pour adioinctz par le cōmissaire ordonne a faire enqueste pose ores que les parties y consentissent.

**Item** que nosditz presidens conseilliers baillifz seneschaulx et aultres noz iuges ou leurs lieuxpten. ne pourrōt estre ne assister au iugement du pces dūng prelat ou collateur ou daucun seigneur duquel ilz leurs enfans freres ou cousins germains directement ou indirectement obtiendront doreseuuant aucun benefice ou office forme et intitulé quāt les parties les recuseront.

**Item** q les requestes de recusation qui serōt baillies a nosdictes cours de parlemēt seront couchees dedās linuentoire de la partie baillant ladicte reqste pour prealablement y faire droit.

**Item** auōs enioinct et enioignōs a nosditz presidens et pseilliers deulx informer de ceulx qui reuellent les secretz de nosdictes cours pour l'informatiō faicte et rapportee par deuers nosdictes cours estre pcede a lencōtre des delinquāz par suspēsiō et priuation de leurs gaiges et offices et aultres peines et amende selon l'exigence des cas. Et neautmoīs mandons a nosditz presidens q en ensuyuāt les ordōnances de nosditz pdecesseurs ilz se treuuent esemble de. xv. en. xv. les iours de mercredi pour aduiser des fautes qui se pourrōnt cōmectre par nosditz cōseilliers et aultres officiers de nosdictes cours pour nous en aduertir et y mettre ordre et donner prouisiō telle que de raison.

**Item** q cōbien par les ordōnāces aucun ne puisse achapter office de iudicature: ne autmoīs soubz couleur de qlque cōgie quilz ont obtenu de no<sup>r</sup> ou noz pdecesseurs ladicte ordonnance a este enfraincte. Et a ceste cause auons declaire et declairons q nentendons desroger esdictes ordōnāces. Et si par importunite ou autremēt en cōmandiōs aucūes lectres defendons a nostre chācellier de ne les sceffer. et si par surprinse ou autremēt elles estoient scelees phibons et defendons aux gens tenans noz cours de parlement baillifz seneschaulx et aultres iuges et officiers ou leurs lieuxpten. pour qlque cōmandement ou lectres iteratiues quilz puissent obtenir de nous de ny obeyr et obtemperer.

**Item** auons ordonne et ordonnons que le pere et le filz et deux freres ne pourront estre en vnemesme court.

**Item** pource q les gens tenāz les reqstes de nostre palais a paris font souuēt euocquer plusieurs causes soubz couleur dune reqste atachee a la garde gardiēne daucūz prelatz abbez ou chappitres ou aultres priuileges daucūz priuilegiez sans ce quilz apēt aucunes lectres de cōmittimus de nous Nous leur defendōs bien exp̄ssēmēt q doreseuuant ilz ne vsent de telles euocations et nentreprenent aucune cognoissance sinon des causes

**B**



qui leur seront cōmises par nos lectres de cōmittimus et dedans lan de la date desdictes lectres de cōmittimus.

*pliii*

**I**tem nous defendons a nosditz gens desdictes requestes que soubz ombre desdictz cōmittimus ne aultremēt ilz nentreprēgnent cognoissance sinon des causes personnelles et possessoires. Et si aucūes parties ou leurs pcurers vouloient consentir estre renuoyez par deuāt nosditz gens desdictes requestes pour aultres matieres que pour celles dont nous voulons la cognoissance leur appartenir comme dit est Nous enioignons a nostre court de parlement et a nos pcurer et aduocat generaulx quilz empeschent lesditz renuoyz. et que doreseuuant telz renuoyz ne se facent ne se enregistrent en nos cours de parlemens sans les monstret a nosditz procureur et aduocat.

*pliiii*

**I**tem nous enioignons a nosditz conseilliers des requestes en ensuiuant les ordōnāces faictes par nos pdecesseurs q ilz ne puissent iuger aucun proces sinon quilz sapēt baille a veoir particulieremēt a quelcun dentre eulx. Lequel sera tenu de le rapporter en plain bureau. et enioignōs a nostre dicte court de parlemēt et a nos procureur et aduocat en icelle quilz facent garder ceste presente ordonnance.

*plv*

**I**tem nous voulōs que sil aduenoit que aucū de nos cōseilliers desdictes reāstes du palais auoient aucuns proces en matiere personnelle ou possessoire par vertu de leur cōmittimus ou leurs enfans pendans esdictes requestes En ce cas nous voulons q les maistres des reāstes ordinaires de nostre hostel en leur auditoire a paris ayēt la cognoissance desdictes matieres.

*plvi*

**I**tem nous defendons a nosditz conseilliers esdictes requestes que ilz ne prēgnent aucune chose pour la closture des escriptures des parties plaidans par deuāt et. p sinon q eulx mesmes en personne vacquent cōme cōmissaires a ouyr les parties sur les responses par credit vel non credit.

*plvii*

**I**tem nous ordōnons q lesslection des lieuptenā des baillifz seneschaulx et aultres nos iuges de nostre royaume se fera en plaine assemblee qui sera tenue en lauditoire desdictz sieges appelez nosditz baillifz seneschaulx et iuges aduocat pcurer et aultres nos officiers desdictz bailliages seneschaucees et siege dedans. xv. iours apres les vacacions desdictz offices. si nosditz baillifz seneschaulx ou iuges estoient presens ou silz estoient absens dedans vng moys. Et ne pourrōt nosditz baillifz seneschaulx et iuges nouuellemēt venuz esdictz offices chāger ne muer les lieupten. desdictz bailliages seneschaucees ou sieges royaux qui par eulx ou leurs pdecesseurs y auroiēt este mis. Toutefois silz auoient cause raisonnable pour changer lesditz lieuptenā se pourront remonstret a nous nostre conseil ou nos cours de parlement pour en ordonner ainsi quilz appartiendra.



**plviii**

**Item** q̄ doresenauant les lieuptenans generaulx de noz baillifs seneschaulx ⁊ iuges ne pourrōt estre esleuz ou commis sinon quilz soyent docteurs ou licē. in altero iurium en vniuersite fameuse.

**plix**

**Item** et pource que par feu nostre treschet seigneur ⁊ cousin le roy charles. viii. de ce nom Aeste pour obuier a toutes indeues exactions ordonne que lesditz lieuptenans generaulx auroient et prandroient la quarte partie sur les gaiges ordinaires ordōnez ausditz baillifs seneschaulx iuges ⁊ preuostz a cause de leurs offices. sinon que iceulx baillifs seneschaulx iuges et preuostz feissent en personne residence en leursditz bailliages seneschauces iugeries et preuostez. Duquel cas leursditz lieuptenans ne pourront prendre aucune chose sur leursditz gaiges. Auons en declairant ladicte ordonnance ordonne que nonobstant la residence que feront doresenauant nosditz baillifs seneschaulx iuges ⁊ preuostz en leursditz bailliages seneschauces iugeries et preuostez leurs lieuptenans generaulx prādront la quarte partie desditz gaiges ordinaires ⁊ en seront payez par noz receueurs ordinaires par leurs quictances. Laquelle quarte partie desditz gaiges ordinaires ainsi payee ausditz lieuptenans sera rabatue de la recepte et allouee es comptes diceulx receueurs par les gens de noz comptes sans quil soit besoing en auoir aultres quictāces de nosditz baillifs seneschaulx iuges ⁊ preuostz. Sinon toutesuoyes que iceulx noz baillifs seneschaulx iuges et preuostz feussent lectrez ⁊ graduez et quilz feissent residence et exercassent en leurs personnes leursditz offices ouquel cas ilz prādront leurs gaiges entierement et sans diminution aucune.

**l**

**Item** ordonnons que lesditz lieuptenans a leur institution feront sermēt solennel presens noz aduocat et procureur quilz nont baille directemēt ou indirectemēt a nosditz baillifs seneschaulx iuges et preuostz aucune chose pour auoir este instituez et obtenir lesditz offices de lieupten.

**li**

**Item** ordōnons que nosditz baillifs seneschaulx iuges et preuostz feront semblable serment a leur institution de ne prendre nauoir eu et prins aucune chose directement ou indirectement pour linstitution de leursditz lieupten. pour les instituer faire auoir ⁊ obtenir leursditz offices de lieupten.

**lii**

**Item** nous ordōnons q̄ quant lesditz lieupten. generaulx iront en cōmission pour besogner pour aucūes parties cōme cōmissaires hors leurs bailliages seneschauces ou ressortz ilz ne pourrōt prendre pour leur vaccation q̄. lxx. solz tourn. par iour. Et quāt ilz irōt en cōmission dedās leurs bailliages seneschauces ⁊ ressorts dehors toutesfoiz du lieu ou ilz demourēt ilz ne prādrōt que cinquāte solz tourn. et pour besongner es lieux ou ilz auront leur domicile et tiendront leur siege ilz naurōt que. xxx. solz tourn. par iour et en tous les cas dessusditz ilz ne pourront prendre leurs despens.

**B ii**



lii

**I**tem et au regard des lieutenans particuliers quant ilz iront hors leurs bailliages seneschauces ou ressorts ilz ne pourront auoir ne prendre que cinquante sols tourñ. par iour: et quarante sols quant ilz besongneront en leurs ressorts et hors leurs domicilles. et. xv. sols quant ilz besongneront ou ilz ont leurs domicilles sans ce quilz puissent prendre leurs despens. pose ores que les parties liberalment les leur voulsissent faire oultre leur dit salaire ordinaire sur peine ausditz lieutenans generaux et particuliers de suspension de leurs offices et priuation de leurs gaiges pour ung an pour la premiere fois. Et pour la seconde demande arbitraire. et aux parties demande aussi arbitraire.

liiii

**I**tem nous defendons a tous nos preuostz baillifs seneschaux et iuges que quant ilz seront de nouuel instituez en leursditz offices ne apres ilz ne facent ne instituēt nouueaux sergēs ne autres officiers nouueaux ne creation nouuelle de mestier. Et aussi leur defendons sur peine demande arbitraire q̄ doresenauāt ilz ne prennent ne exigent desditz sergens ou autres officiers quilz trouueront estre instituez du tēps de leurs predecesseurs aucunes sommes d'argent ou autre chose pour leur monstret les lectres de leurs offices cōme on dit quilz ont acoustume de faire En releuāt nostre peuple des griefs exactions et vexations quilz ont et seuffrent a cause de la multitude des sergens extraordinaires qui sont en nostre royaume Auons ordonne et ordōnons que le nombre ancien de nosditz sergens par les bailliages seneschauces et iurisdicions de nostre royaume sera reduict et remis en reiectant tous autres sergens extraordinaires oultre ledit nombre. Pourueu toutesfoiz que ceulx qui demoureront esditz offices de sergent seront de bonne et hōnestē vie et sauront lire et escrire. Et pour reduire ledit nombre desditz sergens nous en donnons la charge a nos cours de parlement En prealablement sur ce laduis de nos baillifs seneschaux et iuges ou leurs lieutenans.

lv

**I**tem nous defendōs ausditz sergens quilz ne facent aucuns aydes ou soubssergēs sur peine de priuation de leurs offices et les exprois faitz par lesditz soubssergēs de clairs nuls. et neautmoins lesditz soubssergēs seront amēdables enuers no<sup>r</sup> demande arbitraire.

lvi

**I**tem prohibons et defendons a tous sergens quilz ne facent aucuns adiournemēs ou autres exprois sans records et attestation de deux tesmoins ou ung pour le moins sur peine demande arbitraire es grans matieres ou autres esq̄lles par ung seul default la partie peut obtenir gaing de cause.

lvii

**I**tem nous ordōnōs que les iuges royaux ou leurs lieutenans ressortissans sans moyen en nosdictes cours qui ont acoustume de prendre aucune chose pour la visitation des proces: ne pourrōt prendre doresenauant aucune chose pour la visitation diceulx proces quil ne soit entregistre par leurs greffiers par les mains desquelz lesditz iuges pour-



ront prandre ce qui leur sera taupe raisonnablement en escripuāt & signant de leur main sur le dictum ce qui aura este taupe pour la Visitation. Et dauentaige nous ordōnons q̄ lesditz greffiers seront tenuz descripre et signer sur le repply de la sentence ce qui aura este taupe pour la cause dessusdicte.

lvi

**Item** pour dōner ordre a labbreuiation des proces estās par deuāt noz iuges nous ordōnons que les greffiers des gens tenans les requestes de nostre palays a Paris bailliages seneschauces et tous aultres sieges royaux de nostre royaume incontīnēt quilz auront aucun proces en droit & prest a iuger seront tenuz dedās la. lvi. apres ensupuant au plus tard sur peine damende arbitraire de apporter lesditz proces par deuāt lesditz iuges ou leursditz lieux tenans. et faire registre du iour quilz les auront presentez ausditz iuges ou lieux tenans. Lesquelz iuges dessus nōmez seront tenuz de buider les incidens le plus diligēmēt q̄ faire se pourra. et les gros proces dedans trois mōys: a tout le moins dedans six mōys pour le plus tard sur peine damende arbitraire.

lvii

**Item** et si en iugeant le proces lon trouuoit par la Visitation dicellui que noz iuges ressortissās sans moyen en nosdictes cours eussent erre manifestemēt en fait ou en droit Nous enioignōs & ordōnons a nosdictes cours que en ce cas ilz soient mulctez & pugniz en amendes arbitraires a la discretion de nosdictes cours.

lviii

**Item** que les preuostz en garde de nostredit royaume se esliront doresenauāt es auditoires des bailliages seneschauces & aultres sieges ou seront assises et ressortirōt lesdictes preuostez a iour plaidoyable en plaine assemblee presens & appelez noz baillifs seneschaulx et aultres noz iuges des prouinces esuelles seront assises lesdictes preuostez. ensemble noz aduocat & pcureur esditz bailliages et seneschauces & aultres officiers dudit siege ou se fera ladicte assemblee. Et ferōt les esians serment de bien et loyaument eslire cellui qui en leurs consciences ilz trouueront plus ydoine et souffisant pour exercez sedit office. Lesquelz preuostz ainsi esleuz seront tenuz de resider en personne.

lxi

**Item** et seront tenuz nosditz preuostz en garde de iurer en linstitution de leur office quilz nauront aucune participation ne intelligence avec les fermiers desdictes preuostez. Et silz estoient trouuez faisans le cōtraire: nous entendons quil soit procede a lencontre desditz preuostz par suspension et priuation de leurs offices et damendes arbitraires.

lxii

**Item** q̄ aucun en matiere criminelle ne sera adiourne a la req̄ste de nostre pcureur sinon quil y ayt decret de iuge. Et ne pourra inteter nredit pcureur action ne proces en

Bz



matiere ciuile sans auoir le conseil de nostre aduocat:es lieux ou au des aduocat sur peine  
de estre condamne en son propre et priue nom es despens domages et interestz de la partie  
interessee et en amende arbitraire enuers nous ou cas quil seroit trouue calunieuse  
et pour Vexer aucun auoir intente ledit proces contre nostre presente ordonnance.

**lxiij**

**¶** Item nous ordonnons que pour nos causes et proces qui doresenauant seront deme-  
nez en nos cours de parlemens, soit a cause de nos droitz et domaine ou aultres: ou quil  
y ait aucun exploit a faire pour le bien de iustice par nosdictes cours ou par leurs ordon-  
nances, que les receueurs quelz quilz soient qui doresenauant receuront les amendes et  
exploitz qui nous seront adiugez par nosdictes cours retiennent et gardent par deuers  
eulx Cestassauoir a Paris la somme de mil liures tourñ. chascun an. Et en nos cours de  
tholouse six cens liures tourñ. et de Bourdeaux cinq cens liures tourñ. et de diion trois  
cens liures aussi tourñ. des premiers deniers desdictes amendes et exploitz qui escherront  
en icelles cours de parlemens les charges ordinaires et gaiges prealablement payez pour  
conuertir es choses dessusdictes et non aultre part. sur peine de se recouurer sur eulx et da-  
mende arbitraire a la discretion desdictes cours. Ausquelles apres ce que en plain parquet  
de nosdictes cours aura este cõclud aucun proces enqste information ou aultre exploit  
de iustice deuoir estre fait pour le bien de iustice Et quelle somme dargent il faudra pour  
ce faire: nous donnons pouoir et auctorite de cõtraindre nostredit receueur a payer la som-  
me par eulx deliberee come pour nos propres debtes. Pourueu toutesfoiz que nosditz re-  
ceueurs pour compter et allouer en leurs comptes la somme arbitree: ayent mandement  
a eulx adressant passe par nosdictes cours et signe par les greffiers dicelles et sceille par le  
seel de nostre chancellerie Verifie et signe par deux des presidens ou l'un deulx des plus  
anciens de nosdictes cours. Par vertu duquel mandement ainsi expedié: nous voulons  
la somme que nosditz receueurs payeront et bailleront par vertu dicellui estre allouee en  
leurs comptes par les gens de nos comptes sans difficulte. Ausquelz gens de nos cõptes  
et aussi a nos tresoriers qui sont ou seront pour le temps aduenir Nous defendõs expres-  
sément que a nosditz gens de nos parlemens et a nos receueurs ilz ne donnent en ce facent  
ou facent faire ou donner aucun empeschement. Et silz font le cõtraire nous par ces pre-  
sentes donnons pouoir auctorite et puissance a icelles nos cours de parlemens de les cõ-  
traindre de eulx en desister par toutes voyes et manieres deues et raisonnables.

**lxiiii**

**¶** Item et en tant que touche nostre preuost de paris nos aultres baillifs seneschaulx  
et iuges ressortissans sans moyen en nosdictes cours de parlement nous voulons et ordõ-  
nõs que apres ce que par eulx et par l'opinion de nos aduocat et procureur et aultres per-  
sonnes notables acoustumez estre aux consultations de nos besongnes de leurs auditoi-  
res aura este deliberee aucune chose pour nous ou pour le bien de iustice estre a faire et pour  
suir q lesditz preuost baillifs seneschaulx ou aultres nos iuges telz q dit est sans aultre ma-  
dement de nous de nosdictes gens des cõptes ou tresoriers puisse cõtraindre chascun an en



sa preuoste seneschaucee bailliage ou iugerie le receueur dicellui bailliage seneschaucee ou iugerie a bailler et payer royaumēt a de fait la sōme qui sera necessaire pour faire et pour  
suir ce que par les dessusditz sera delibere. Pourueu que pour vne annee chascun deulx ne  
puisse traire le receueur de sa preuoste seneschaucee bailliage ou iugerie oultre la somme  
de deux cens liures tourn. Et sil aduenoit q̄ aucunesfoiz en vng an il faulst greigneur  
somme que la dessusdicte ilz se pourrōt traire par deuers nosditz gens de parlemens. les-  
quelz appellez avec eulx aucuns des gens de noz comptes et tresoriers leur feront faire  
telle prouision cōme il sera delibere par eulx. Et a ce contraindre lesditz receueurs et tous  
aultres qui feront a cōtraindre cōme il leur semblera bon estre a faire. Voulons en oultre  
et ordōnons tout ce q̄ par chascun des receueurs desdictes preuostez seneschaucees baillia-  
ges ou iugeries aura este paye pour les causes dessusdictes iusq̄s a ladicte sōme de deux  
cens liures tourn. par chascun an par mādēmēt desditz preuost seneschal baillx ou iuge  
chascun en sa iurisdiction. Duquel soient expressement nōmez ceulx qui auront este pre-  
sens et appellez a la deliberation faire. et lequel sera signe par le clerc ou greffier de ladicte  
preuoste seneschaucee bailliage ou iugerie soit alloe es comptes dudit receueur quil aura  
paye sans contredit ou difficulte aucune. ensemble ce que icellui receueur aura paye oul-  
tre ladicte somme pour vng an par mandement expedie cōme dit est. Et defendōs cōme  
dessus a noz gens des comptes et tresoriers et aultres quelzconques apans le gouuerne-  
ment des finances de nostre dōmaine qui sont et seront pour le temps aduenir sur peine  
den estre pugniz : que es choses dessusdictes ilz ne donnent aucun empeschement a noz  
officiers de iustice.

lxxv

**Item** que les notaires ne receurōt aucun cōtract silz ne cognoissent les personnes  
ou quilz soient certiffiez et tesmoingnez estre ceulx qui cōtractent sur peine de priuation  
de leurs offices.

lxxvi

**Item** que vng seul notaire ou tabellion ne puisse receuoir aucun contract sans ce  
quil y ait deux tesmoins non obstant quelque coustume locale cōtraire. Laq̄lle auons  
declairee et declairons nulle et abusive.

lxxvii

**Item** et ne pourront prendre les greffiers de noz cours de parlemens bailliages se-  
neschaucees et aultres iurisditiōs de nostre royaume ne aultres cōmissaires quelzconques  
aucuns salaires pour les cōsignations qui se ferōt en leurs mains. mais sil aduient quil  
faille faire en iustice quelque garnison de main cōsignation ou deppost les sommes con-  
signees serōt mises entre les mains de quelque bon bourgeois des lieux esleu du consen-  
tement des parties se faire se peut: sinon demourera es mains desditz greffiers. lesquelz  
greffiers ne serōt tenez sinon comme simples deppositaires de la garde desditz biens cō-  
signez ou depposez.



**Item** nous voulons que tous les greffiers de nos bailliages seneschauces & autres sieges royaux escriuent au dos des sentences & appointemens de leurs mains et subscriuent de leurs paraffes la somme de deniers quilz auront eu pour lesdictes sentences & appointemens sur peine damende.

**Item** quant aux notaires et greffiers des cours ou bancs de nos iurisdicions lesquels prennent les greffes ou notairies desdictes cours a ferme Auons ordonne et ordonnons q̄ doresenauant ne sera receu aucun notaire a mettre a pris lesdictes notairies ou greffes desdictes cours & iurisdicions: ne icelles exercer comme dernier encherisseur sil nest trouue ydoine et souffisant bien renom̄e & experiente en icelles choses. Et ou cas que ledit dernier encherisseur ne sera trouue ydoine & souffisant pour lepercer il payera la folle enchiere ou sera mis par les officiers de ladicte court homme souffisant et ydoine a exercer ledit greffe ou notairies aux perils et fortunes dudit dernier encherisseur. Lequel sera tenu exercer ledit office en sa personne sans y pouoir commectre aultre sil nestoit en cas de br̄gent necessite. ou q̄l cas il pourra comectre aultre personne ydoine et souffisante approuuee par lauctorite de la court ou sera exerce ledit greffe. et aussi est defendu aux aduocats des cours nestre greffiers ou participans au prouffit des fermes desditz greffes sur peine destre pugniz de postulation & damende. Et seront tenez les greffiers laisser les papiers et registres en vng lieu publique et seur a lordonance du iuge soubz lequel sera ledit greffe exerce.

**Item** combien que a nous seul et a nos successeurs roys de fr̄ce appartient de donner graces pardons et remissions Et avec ce que nous auons plusieurs droitz singuliers & priuileges qui sont a nous & a nos successeurs roys de fr̄ce reservez en signe de souverainete. Neantmoins aucuns nos lieutenans & gouverneurs et aussi leurs lieutenans par nous establis en plusieurs contrees de nostre royaume ont entrepris et sefforcent soubz couleur daucun pouoir quilz dient auoir obtenu de nous ou de nos predecesseurs donner graces remissions et pardons foires marchez anoblissemens et legitimations & cognoistre des matieres tant ciuiles que criminelles de partie a partie sans appel ou ressort. Et avec ce euocquent les causes qui sont par deuant nos seneschaux & baillifs et autres iuges ordinaires en perturbant les iurisdicions ordinaires de nostre royaume. Pour ces causes auons reuocque et reuocquons par edict perpetuel & irreuocable leurdit pouoir et puissance quant a ce En leur faisant inhibition & defense q̄ doresenauant ilz ne donnent graces remissions & pardons foires marchez anoblissemens & legitimations et quilz ne euocquent les causes pendentes par deuant les iuges ordinaires: ne dicelles cognoissent en quelque maniere que ce soit. En enioignant toutesfoiz ausditz gouverneurs quilz fassent executer les sentences de nos baillifs seneschaux & autres ensemble les arrestz donnez par nosdictes cours de parlemens de tenir les pays a eulx comis en seurte les garder de pillerie visiter les places & fortresses et nous aduertir des entreprises q̄ son pourroit



faire en nosditz pays & royaume & de faire tout ce quil appartient en aultres choses a bds  
gouverneurs pour la tution & defense des pays a eulx par nous comis et deputez.

*lxxi*

**I**tem le nombre des procureurs qui puisnagueres iusques a present a este & encores  
est effrene en noz cours de parlement et ailleurs en si grāt multitude q̄ les bngs ne peuēt  
viure pour les aultres: et tiēnent tousiours les proces en longueur a la grāt foulle de no-  
stre peuple: sera reduit en nombre competent ainsi que par noz cours de parlements sera  
aduise. que esdictes cours et noz aultres iuges en leurs iurisdicions et ressorts les gens de  
bien et souffisans retenuz et les insuffisans resequez et reiectez.

*lxxii*

**I**tem et pour le singulier desir que nous auōs a rendre iustice a bngchascun & met-  
tre noz subiectz hors de proces & eu regard a la grāt multitude des proces qui sont de pre-  
sent en noz cours souveraines et q̄ difficile chose seroit en auoir prōpte expédition si par  
nous ny estoit pourueu. Pour ces causes auons statue & ordonne statuons et ordōnons  
que les grans iours se tiendront par les presidens et conseilliers de nostre court de parle-  
ment a paris en leur ressort: et es lieux ou danciennete on a acoustume les tenir. Ausq̄lz  
grans iours assisteront dan en an auz gaiges acoustumez lun des quatre psidens de no-  
stredicte court. Lun des maistres des requestes de nostre hostel. Lun des quatre presidens  
des enquestes avec treize cōseilliers de nostredicte court. Sauoir est huyt de ladicte grāt  
chambre & cinq de ladicte chābre des enq̄stes selon leur ordre & anciēnete. Et neautmoins  
auons voulu et ordonne q̄ les cōseilliers iusques au nombre de treize dont il y aura huyt  
laiz qui voudront vacquer a leppédition des proces tant criminelz q̄ ciuilz avec nosditz  
presidens durant le temps de vacations seront payez tout ainsi que si le parlement seoit.  
Et les iugemens qui seront par eulx donnez iusques a cent liures tourn. de rente et mil  
liures vne foiz payez. Et des bñfices iusques a deux cens liures tourn. Auōs auctorise  
& auctorisons tout ainsi que silz estoient dōnez ledit parlement seant. En leur enioignāt  
quilz vacquent prealablement a leppédition des matieres criminelles le plus diligēment  
que faire pourront en prenant lectre de nostre chancellerie touchant les matieres crimi-  
nelles en la forme acoustumee.

*lxxiii*

**I**tem auons ordonne et ordōnons que les gens tenans noz cours de parlement de  
tholouze et bordeaulx tiendront lesditz grans iours de deux ans en deux ans chascun en  
leur ressort respectiuement es lieux quilz verrōt estre a faire pour le mieulx en ensuyuant  
la forme que nosditz presidens et conseilliers de nostre court de parlement de Paris ont  
acoustume de tenir reserve quilz ne seront que neuf. Sauoir est bng president et huyt cō-  
seilliers dont y aura cinq laiz et trops clerks. Et neautmoins ordōnons q̄ bng president  
avec huyt de nosditz cōseilliers de nosdictes cours dōt les cinq serōt laiz & les trois clerks  
qui voudront vacquer a leppédition des proces tant criminelz que ciuilz durāt lesdictes



Vaccations seront payez tout ainsi que si lesditz parlemens seioient. Et auons auctorise  
et auctorisons les iugemens qui seront par eulx donnez iusques a la somme de cent liures  
tourñ. de rente et de mil liures pour vne foiz. En leur enioignāt quilz vacquent premie-  
rement a leppeditiō des matieres criminelles en prenant noz lectres touchant lesdictes  
matieres criminelles en la maniere acoustumee.

*lxxxiii*

**Item** voulons et ordōnons que doresenauant quant par nous sera pourueu a au-  
cun doffice de nostre conseillier en nostredicte court de parlement de Bourdeaux que ledit  
ainsi pourueu soit mis et entre en ladicte chambre des enquestes et le plus ancien receu de  
ladicte chambre voyse et entre en icelle grant chambre.

*lxxxv*

**Item** auons ordonne et ordōnons q ladicte chambre des enquestes en nostre court  
de parlement de Bourdeaux sera fournie de douze tant presidens que cōseilliers tant laiz  
que clerks des plus nouuellement et derniers receuz selon l'anciennete de leur reception. et  
ladicte grāt chambre daultres quatorze les huyt desquelles de chascune desdictes chābres  
auec vng president pourront donner et faire arrest des matieres qui ne excederont deuy  
cens liures de rente ou lequivalent: ou quatre mil liures tourñ. pour vne foiz.

*lxxxvi*

**Item** et sil aduenoit que nosditz cōseilliers de lune desdictes chābres se trouuassent  
en diuersites d'opiniōs au iugement d'ung proces tellement que lon voulsist dire le pres  
estre party en ce cas ne voulons ne entendōs ledit proces estre party sil ne passoit de deuy  
opinions. ou quel cas noz conseilliers et presidens de l'autre chambre departiront ledit  
proces. et en ce cas et pour ledit departement souffira quil passe d'ung.

*lxxxvii*

**Item** ordōnons que la distribution des proces en nostredicte court de parlement de  
Bourdeaux se fera par noz presidens et conseilliers ainsi que noz presidens et conseilliers  
de nostre court de parlement de tholouze ont acoustume de faire.

*lxxxviii*

**Item** et enioignons a tous noz presidens et conseilliers baillifs seneschaulx et au-  
tres iuges q dedans lan de la reception de leurs offices sur le deu de leur serment ilz apēt  
les ordōnances par nous faictes et noz predecesseurs icelles voyent et saichent a leur po-  
uoir en tant q a vngchascun deulx touche et peut toucher. Lesquelles voulons estre leues  
tant en nostredicte court de parlement que es auditoires de nosditz baillifs seneschaulx et  
iuges deuy foiz lan Cesta sauoir le lendemain de la saint martin diuer et le lendemain  
de Quasi modo.



**Item** <sup>lxxxix</sup> voulons et ordonnons que en chascune chambre de nos cours de parlemens: et semblablement es auditoires de nos baillifs seneschaulx et iuges y ait ung liure desdictes ordonnances affin que si aucune difficulte y suruenoit on ait promptement recours a icelles.

**Item** <sup>lxxx</sup> et en oultre au des ordonne et ordonnons que les sentences qui se donneront par iuges royaux en matiere de dot ou repetition dicellui a lieu de dation de tutelle de confiscation d'inventory de interdictiōs de biens aux prodigues ou incensez refection de ponts et de passaiges. Et aussi quant il sera question de salaires ou loyers de seruiteurs de trois annees et au dessous q les sentences prouisoires de nos iuges seront executees non obstant oppositions ou appellations quelzconques et sans preiudice dicelles en baillant toutesuoyes par lesditz seruiteurs caution telle quilz la pourront bailer de rendre lesditz salaires ou loyers sil estoit dit en fin de cause. Les autres ordonnances de nos predecesseurs faisans mention de alimens douaires medicamens et autres prouisions demourans en leur force et vertu.

**Item** <sup>lxxxi</sup> et pour obuier a la grande et infinie multitude des proces estans en nosdictes cours et que nos subiectz ne consomment plus leur temps ne leurs biens en vain et en petites causes et matieres Auons ordonne et ordonnons que les sentences de nos baillifs seneschaulx et autres nos iuges ressortissans sans moyen en nosdictes cours qui seront par eux donnees en leurs sieges principaulx et es autres esquelz ilz ont acoustume de tenir les assises et durāt icelles En matiere pure ciuile et personnelle qui ne excederōt la somme de. xxv. liures tourñ. ou la valeur dicelle pour vne fois payez Serōt mises a execution ensemble la condānation entiere des despens non obstant oppositions ou appellations quelzconques et sans preiudice dicelles en baillant bonne et souffisante caution de rendre le tout sil estoit dit en fin de cause que faire se doye. Lesquelz despens serōt taupez par autre lieutenant ou cōmis que cellui qui aura donne la sentence.

**Item** <sup>lxxxii</sup> et si les parties appelloient d'aucune sentence interlocutoire au parauant la sentēce qui seroit dōnee pour raison de ladicte somme de. xxv. liures tourñ. et au dessous lesditz baillifs seneschaulx et autres nos iuges ressortissans sans moyen en nosdictes cours cōme dit est ne differeront de proceder au iugement dudit proces: non obstant ledit appel ou appeaulx et sans preiudice diceulx sinon quil feust appelle des i. interlocutoires qui seroient dōnez sur la cōpetance ou incōpetāce des iuges ou en matiere de recusation.

**Item** <sup>lxxxiii</sup> et combien que par les ordonnances de nos predecesseurs les matieres possessoires beneficiais se doiuent vider sommairement et de plain. neantmoins pour la subtilite des parties elles ont este et encores sont immortelles dont plusieurs mauz et in-



conueniens si en aduiennent. Pour ausquelles choses obuier et affin que les eglises ne soyent longuement en sequestre Auons voulu et ordonne voulons et ordonnons que les sentences de recreance ou de plain possessoire expedie par tiltres sans soy arrester a la recreance en matiere Beneficiale qui sont donnees parties ouyes par noz iuges en leurs sieges principaulx et quilz donneront es aultres sieges esquelz ilz ont acoustume de tenir les assises Et durant icelles ressortissans sans moyen a nosdictes cours serot eexecutees non obstant oppositions ou appellations quelzcoques et sans preiudice dicelles En baillant bonne et souffisante caution par la partie qui aura obtenu de rendre les fruitz silest dit que faire se doye.

*lxxxiii*

**I**tem et si lune des parties auparauint la recreance adiugee appelloit de quelque interlocutoire: neautmoins nosditz iuges ressortissans sans moyen come dit est ne differeront de pceder non obstat lesditz appel ou appeaulx et sans preiudice diceulx Sinon quil feust question de la competance ou incompetance du iuge ou de la recusation dicellui.

*lxxxv*

**I**tem et a ce que nosditz baillifs seneschaulx et aultres noz iuges ressortissans sans moyen en noz cours puissent plus seurement proceder au iugement desdictes recreances Auons enioinct et enioignons a nosditz iuges quilz appellent avec eulx six ou quatre pour le moins des conseilliers ou praticiens de leurs sieges et auditoire non suspectz ne fauorables a lune ne a lautre desdictes parties Lesquelz serot tenez avec nostredit iuge designer la sentence ou dictum dicelle.

*lxxxvi*

**I**tem quant aulcune cōplainte sera fournie soit en matiere Beneficiale ecclesiastique ou prophane noz iuges soient presidens conseilliers ou aultres noz officiers qui auront cogneu de la matiere leurs enfans et parens ne pourrot estre comis au regime et gouvernement de la chose contencieuse. mais seront tenez de commectre aultres gens notables non suspectz ne fauorables a lune ne a lautre des parties a moindres fraiz que faire se pourra sur peine de suspension de leur office et aultre peine arbitraire.

*lxxxvii*

**I**tem q es matieres qui doiuent estre eexecutees non obstant oppositions ou appellations quelzcoques et sans preiudice dicelles Nosditz iuges eexecuterot leurs sentences sans actēdre noz lectres de chācellerie ne cōmission ne auctorisation de nosdictes cours.

*lxxxviii*

**I**tem et combien que apres que le possessoire est vuidē soit en matiere Beneficiale ou prophane les parties puissent auoir leur recours en matiere petitoire Toutefois ou tēps passe ilz sont venuz par ppositiō derreur dot nosdictes cours ont este moult trauaillēes



et sont demourees les choses cōtencieuses longuemēt en pces dont plusieurs incōueni-  
ens sont adueniz Pour ausquelz obuier auds ordōne & ordōnons q̄ en matiere possessoire  
pphane ou ecclesiastique: aucun doreseuauāt ne sera receu a pposer erreur. Toutes aul-  
tres ordōnann. cōcernans lesditz possessoires demourans en leur force et vertu.

**lxxxix**

**Item** ordōnons q̄ lordōnance faicte par feu nostre trescher seigneur & cousin Loys  
Dnziesme de ce nom En nouembre mil. CCC. lxxxix. leue publiee & enregistree en no-  
stre dicte court de parlement touchant les ppositions derreurs & determinations diceulx  
sera entretenue obseruee & gardee selon la teneur dicelle: & sortira son plain & entier effect

**xc**

**Item** ordōnons q̄ quāt aucuns qui auroient este condammēz a estre fustiguez esso-  
reillez bāniz ou en qlque aultre griefue peine corporelle par sentence de iuge cōpetant se-  
ront reprins par nos baillifz seneschaulx & aultres nos iuges ressortissans sans mopen  
en nos cours de parlemens pour aultres cas crimes & delictz par eulx de nouuel cōmis  
iceulx nos baillifz seneschaulx ou leurs lieuxptē. & aultres nos iuges ressortissans sans  
mopen en nosdictes cours pourront pceder a faire & parfaire les proces desditz mal fai-  
cteurs & criminels en leurs sieges principaulx & es aultres esquelz ilz ont acoustume de  
tenir leurs assises & durant icelles seulement non obstant oppositions & appellatiōs q̄lz  
conques & iusques a sentence diffinitive inclusiuement. & icelle faire executer. sinon q̄ de  
ladicte sentence diffinitive en feust appellee en nosdictes cours. Duq̄ cas le pces desditz  
criminels avecq̄s iceulx criminels sera enuoye en icelle court par nosditz baillifz senes-  
chaulx et aultres nos iuges dessusditz le plus tost q̄ faire se pourra pour icelluy deoir et  
iuger.

**pci**

**Item** et cōbien q̄ par les ordōnann. de feu nostre trescher seigneur & cousin q̄ dieu ab-  
soille eust este ordōne de faire & parfaire le pces des gens Vaccabons q̄ lon trouueroit de  
linguāz non obstant oppositions ou appellatiōs q̄lzconques sinon en deux cas Cest assa-  
uoir quāt ilz sont appellans de la q̄stion ou de la mort ou aultre peine corporelle Neaut-  
moīs pource q̄ en nostre royaume y a grāt multitude de Vaccabōs & q̄ on a trouue par ex-  
perience q̄ soubz couleur desdictes appellatiōs q̄lz interiectent plusieurs larcins & aul-  
tres malefices se cōmectent. Ordōnons q̄ quāt telz notoirement Vaccabons serōt prins &  
apphēdez par nosditz baillifz seneschaulx & iuges ressortissans sans mopen en nosdictes  
cours: ilz pourrōt pareillemēt faire & parfaire les pces desditz Vaccabōs en leursditz sie-  
ges p̄cipaulx. & es aultres esquelz ilz ont acoustume de tenir les assises & durāt icelles  
seullemēt iusques a sentēce diffinitive iclusiuemēt nō obstāt oppositiōs ou appellatiōs  
q̄lzconques. & icelles sentēces diffinitives faire executer. Sinon q̄ dicelles en soit appellee  
en nosdictes cours Duq̄ cas sursera lexecution dicelle sentence. Et serōt lesditz crimi-  
nels menez en nosdictes cours avecq̄s leurs pces.

**pcii**

**Item** si telles manieres de gens Vaccabons et aultres qui auroient este fustiguez

**C**



efforeillesz banniz et pugniz daultres griefues peines corporelles comme dit est dessus  
estoiēt de rechief apprehendez pour aultres cas par eulx cōmis de nouuel par aultres iu-  
ges que nosditz iuges ressortissans sans mopen en nosdictes cours lesditz iuges qui ainsi  
les auront apprehendez leur pourront faire et parfaire leur pces Mais si lesditz crimi-  
neulx appelloient deulx ilz seront amenez par deuers nostre iuge suzerain ou ledit appel  
ressortit Pour par luy cognoistre de l'article dudit appel.

pciii

**Item** sil estoit dit par nostredit iuge quil eust este mal iuge par ledit iuge inferieur  
a subalterne nostredit iuge pourra faire a parfaire le pces dudit crimineulx: non obstāt  
oppositions ou appellations quelzconques ainsi quil est dit es articles precedans. Et sil  
estoit dit bien iuge par ledit iuge inferieur: et ledit crimineulx en appellast a nous ou a  
nosdictes cours Neautmoins nostredit iuge le rēuopera par deuant ledit iuge inferieur  
pour mettre a epecution sa sentence: sinon quelle feust diffinitive Duq̃l cas on enuopera  
ledit crimineulx avecques son pces par deuers ladicte court selon quil est cōtenu es arti-  
cles precedans.

pciiii

**Item** affin q̃ lesditz baillifz seneschaulx et iuges royaulx puissent plus seurement  
pceder a decerner a bailler la q̃stion torture sentēce de mort ou aultre peine corporelle aus-  
ditz efforeillesz banniz ou Vaccabōs dont dessus est faicte mention Auons ordōne et ordō-  
nons quilz appellent avec eulx six ou quatre pour le moins des cōseilliers et praticiens  
de leur auditoire non suspectz ne fauorables Lesquelz seront tenuz signer le pces senten-  
ce ou dictū qui sera donne a lencōtre desditz prisonniers sans destroger toutesuoyes auy  
coustumes vsaiges et droitz obseruez en plusieurs lieux particuliers de nostre royaume  
ou on a acoustume de iuger lesditz crimineulx en assistance par hōmes iugeās ou aultre  
notable ou cōpetant nōbre. Et pourrōt nosditz iuges cōtraindre lesditz praticiens a assi-  
ster a faire leurdit pces a leur dōner cōseil touchant les choses dessusdictes par suspen-  
sion de postuler et par mulctes et aultres peines pecuniaires ainsi quilz verront estre a  
faire par raison sans ce q̃ pour les choses dessusdictes ilz puissent demander salaire.

pcv

**Item** ordonnōs q̃ les informations a pductions des parties se feront doreseuānt  
es mains des greffiers de nos bailliages et seneschaucees et aultres sieges royaulx reser-  
ue les pductions q̃ en daucuns lieux de nostre royaume se font es mains des enquesteurs  
Lesquelz enq̃steurs incōtinent q̃ les sacs seront fournis et prestz a iuger serōt tenuz de les  
apporter es mains dudit greffier. leq̃l greffier sera tenu de enregistrer lesdictes informa-  
tions a pductions qui luy seront baillees Sans ce q̃l en preigne riens: sinon q̃ icelles par-  
ties ou aucunes dicelles voulsissent faire collations daucunes de leurs pieces. ouq̃l cas  
il sera raisonnablement paye de son salaire selon la Vaccation quil aura faicte en la ma-  
niere acoustumee ou par la taxation raisonnable du baillif seneschal nostre iuge ou  
leurs lieutenans se mestier est.



**pcvi**  
**I**tem et lequel greffier incōtinent lesdictes informations et productions par luy re-  
ceues & dedans ledit iour quil les aura enregistrees entant que touche lesdictes informa-  
tions et pour les autres proces dedans trois iours pour le plus tard sera tenu les presen-  
ter a nosditz baillifz seneschaulx ou iuges ou leurs lieutenans. Et ce quil les preigne ou face  
prendre par qui bon luy semblera. Et fera icelluy greffier mettre & escrire par celluy q  
les prendra son nom sur le chief dudit registre & le iour quil aura prins lesdictes informa-  
tions et productions et len deschargera quant il recouvrera le dictum de lordōnāce avec  
les sacs des parties.

**pcvii**  
**I**tem nous enioignons a tous nos baillifz seneschaulx et iuges & leurs lieutenans  
que en toute diligence ilz preignent deuers eulx lesdictes informations ou productions ou  
les distribuent ou facent bailler par lesditz greffiers a gens de bien non suspectz ne fauo-  
rables aux parties. Elpres quilz auront prins le serment deulx quilz nauront este ne ne  
seront du conseil desdictes parties esdictes matieres.

**pcviii**  
**I**tem et enioignons aussi a nosditz baillifz seneschaulx & iuges ou leurs lieutenans  
que ilz procedent en toute diligence a veoir ou faire veoir lesdictes informations & pour  
donner les cōmissions sur icelles ilz appellent nosz aduocat et procureur pour les leur cō-  
muniquer. Et ce fait & apres deliberation prinse sur lesdictes informations sera fait ung  
dictum par escript signe de la main de celluy qui les aura veues et rapportees qui contien-  
dra les prouisions tant dadiournemēs personnelz prinse de corps et aultres. Et sembla-  
blement sera fait dictum par escript par la forme deuāt dicte des sentences diffinitives  
et interlocutoires sur les productions des parties. Lesquelz dictons seront baillez aux  
greffiers avec les sacs desdictes informations et productions.

**pcix**  
**I**tem que nosditz greffiers auant que riēs soit seu pronōce ou cōmunique aux par-  
ties seront tenez de enregistrer lesditz dictons et les enfillet ensemble & garder les sacs  
par deuers eulx pour en respōdre et bailler les informations aux iours des adiournemēs  
personnelz ou si tost que par vertu dicelles prouisions aucuns seront emprisonnez a cel-  
luy qui aura la charge de les interroguer ou faire leur proces et lesditz sacs & productions  
pour les rendre aux parties apres les sentēces par luy diligēment et veritablemēt gros  
sopees ou sil en est appelle les clore & euangeliser.

**C**  
**I**tem et ne sera demande aucune chose aux parties pour la Visitation desditz  
proces par ledit greffier sinon apres les dictons prononcez reserve pour les gros pro-  
ces et de longue Visitation comme proces de fruitz de criees de discussions hypothe-  
ques et taupations de despens et aultres proces esquelz seroit besoing assembler

**C ii**



gens de conseil & commissaires & les paper comptant. Duquel cas les parties mettront par deuers le greffier ce qui sera ordonne & tauxe raisonnablement par nosditz baillifs seneschaux & iuges ou leurs lieuten. pour paper et cōtenter lesditz conseillers & commissaires

**Ci**

**Item** que lesditz greffiers ne prononceront aucuns dictons ne les enregistreront s'ils nont les sacs deuers eulx pour faire la sentence au d'ay selon le plaidoye des parties sans superfluite de langage dont ilz prendront & de toutes aultres lectres d'importance & q's requerront mynute a la raison de vingt solz tour. pour chascune peau de parchemin: de grandeur souffisante & loyaulment escripte pour le plus ou moins selon les coustumes & vsaiges des lieux. Esquelz en ce qui seroit moins que de ladicte raison de .xx. solz tour. pour peau de parchemin nous ne entendons aucunement desroguer.

**Cii**

**Item** & au regard des aultres lectres qui ne requierent mynute cōme vidimus actas & aultres lectres communes lesditz greffiers en seront payez selon les coustumes raisonnables des lieux.

**Ciii**

**Item** nous ordonnons q' le geollier ou garde des chartres & prisons seront tenuz de faire vng grant registre de grant volume de papier se faire se peut dont chascun fueillet sera ploye par le millieu. Et d'ung coste serōt escriptz & de iour en iour les noms & surnoms estatx & demourances des prisonniers qui seront amenez en ladicte chartre. par qui ilz seront amenez. pour quoy. a la requeste de qui. & de quelle ordonnance. & si cest pour debte & quil y ait obligation soubz seel royal. la date de l'obligation & le domicile du creancier y seront enregistrez semblablement.

**Ciiii**

**Item** et de l'autre coste de la marge dudit fueillet sera enregistré l'escroue eslargissement ou descharge desditz prisonniers telle quil luy sera enuoyee & bailliee par le greffier sur le registre dudit emprisonnement sans ce quil puisse mettre hors ou deliurer quelque prisonnier: soit a tort ou a droit sans auoir ladicte escroue dudit greffier sur peine de l'amende enuers nous: destre contrainct de rendre ledit prisonnier ou satisfaire pour luy.

**Cv**

**Item** ledit greffier sera tenu sauoir vng registre ouquel il escripra la deliurance eslargissements et toutes aultres expéditions de chascun prisonnier en brief. en mettant le iour de son emprisonnement Par qui et comment il sera expédie Sans touteffoiz declarer les proces ne les informations quil gardera par deuers luy. Et incontinent ladicte expédition faicte baillera ou enuoyera ledit greffier audit geollier ou garde des prisons vne escroue ou breuet contenant le iour et forme de l'expédition. Et aura ledit greffier pour chascune escroue et expédition quinze deniers tournois et non plus ou moins selon les coustumes des lieux Sinon que ledit greffier eust vacque a interroguer



et faire le proces dudit prisonnier. Duquel cas il sera paye de sa Vaccation raisonnablement ainsi qu'il est acoustume de faire.

**Lvi**

**Item** que tout emprisonnez arrestez ou adiournez a comparoir en personne seront par nosditz baillifs seneschaulx et iuges ou leurs lieutenans interrogez a toute diligence et seront les matieres expediees sommairement et de plain nosz aduocat et procureur et les parties ouyes

**Lvii**

**Item** incotinent seront mostrees les informations et confessions desditz adiournez arrestez ou emprisonnez a nosz procureur et aduocat pour requerir ce qu'ilz verront estre a requerir pour le bien de iustice ou nostre interestz Sans ce que riens en soit monstre ou comuniquer aux parties.

**Lviii**

**Item** et ce fait sera appointe que lon procedera extraordinairement. ou se les parties seront ouyes: ou quel cas elles seront ouyes en iugement en plain auditoire auant que y donner appointement. Et ce fait seront lesdictes parties appointees par nosditz baillifs seneschaulx et iuges ou leurs lieutenans. ainsi que raison deura lesdictes informations et confessions demourans secretes deuers ledit greffier. Sinon que nostre procureur par le conseil de nostre aduocat voulsist prendre droit par la confession desditz adiournez arrestez ou emprisonnez. Duquel cas la partie aduerse desditz adiournez en personne arrestez ou emprisonnez sera appelee et luy sera ladicte confession communiquee si elle le requiert par les mains de nosz aduocat et procureur. Affin de declarer si elle veult prendre droit ou non par ladicte confession.

**Lix**

**Item** se nostre dit procureur ou la partie vouloient prendre droit par ladicte confession ilz bailleroient leurs conclusions par escript seulement. Auxquelles le confessant pourra respondre affin de actenuation tant seulement. Et ce fait leur sera fait droit ainsi que de raison.

**Lx**

**Item** quant aux prisonniers ou autres accusez de crime. Ausquels faudra faire proces criminel. ledit proces se fera le plus diligement et secretement que faire se pourra en maniere que aucun nen soit aduertyp pour euitier les subornations et forgemens qui se pourroient faire en telles matieres en la presence du greffier ou de son commis. Sans y appeller le geollier sergens clerks seruiteurs et tous autres qui nauront le serment a nous et a iustice.

**Lxi**

**Item** se seront toutes les diligences necessaires de plus amples informations recollemeins ou confrontations de tesmoins ou pour la veriffication de la libi ou autre fait saulcun en pa receuable Pour ou contre le prisonnier le plus diligement et secretement que faire se pourra en maniere que aucun nen soit aduertyp.



**Lxii**

**Item** et lesditz proces faitz a toutes les diligēces dessusdictes iusques a la question ou torture nosditz baillifs seneschaulx et iuges ou leurs lieuxptenans feront deliberer ladicte question en la chambre du conseil ou aultre lieu secret par gens notables et lectrez non suspectz ne fauorables et qui nauront este du conseil des parties presens ou appelez nosz aduocat et procureur et ladicte question deliberee la feront incōtinent epecuter sans diuertir a aultres actes se faire se peut. sinon le iour ensuyuant sans riens en dire ne reueler a personne.

**Lxiii**

**Item** que a epecuter ladicte question ou torture ledit greffier sera p̄sent qui escripra les noms des sergens et aultres presens la forme et maniere de ladicte question et la quantite de leue q̄ on aura baillee audit prisonnier et par quātesfoiz la reiteration de torture faulcune en y a. les interrogatoires et responses avecques la perseuerance du prisonnier. la constance ou variation. Et le lendemain de ladicte question sera de rechief interrogué ledit prisonnier hors du lieu ou il aura eu ladicte torture pour veoir sa perseuerāce. et sera le tout escript par ledit greffier.

**Lxiiii**

**Item** nous defendons a tous nosz baillifs seneschaulx et iuges ou leurs lieuxptenans quilz ne pcedent a reiterer de nouueau ladicte question ou torture audit prisonnier sans nouueaulx indices.

**Lxv**

**Item** que apres le deuoir fait par iustice tant de question confrontation ou autrement ledit proces et tout ce qui aura este fait en la matiere sera veu et visite par nosditz baillifs seneschaulx et iuges ou leurs lieuxpten. Et eu sur ce conseil de gens non suspectz ne fauorables cōme dit est dessus presens nosz aduocat et procureur Pour prandre le conseil de ce qui sera de faire pour le bien de iustice. Et escripra le greffier les oppinions et deliberations Et sera le tout tenu secret sur peine de punition corporelle cōtre les reuelans ou autrement selon le p̄igence des cas.

**Lxvi**

**Item** et sil est cōclud q̄ ledit prisonnier soit cōdāne a mort ou aultre peine corporelle. nosditz baillifs seneschaulx et iuges ou leurs lieuxptenans prononceront leur sentence en plain auditoire ou en la chābre du cōseil sup estant en la chartre et prisons selon les souables coustumes des lieux Esquelz lieux de lauditoire ou de ladicte chābre sera mene ledit prisonnier et sup sera prononce ladicte sentence en la presence du greffier qui lenregistrera ou liure des sentences. et sil nen est appelle assistera avec ledit prisonnier et lacōpaignera iusques a ce que ladicte sentence soit epecutee et le iour mesmes.

**Lxvii**

**Item** quāt aux autres cas non requerās punition corporelle si nosz aduocat et pro-



cureur soient q̄ la matiere soit disposee a prandre droit par le proces la partie sera appelee et luy sera la confession communiquee par les mains de noz aduocat et procureur pour estre procede ainsi que dit est dessus.

**Lxxviii**

**I**tem et si par ledit proces extraordinaire deuement fait on nauroit peu riens gagner & il seroit besoing ouyr les parties & les recevoir en proces ordinaire Nostitz baillifs seneschaulx & iuges ou leurs lieutenans ordonneront que les parties seront ouyes par cōseil a certain iour Auquel le prisonnier sera mene en iugement et la matiere plaïdoee publicquement. Et seront les parties ouyes et aussi nostre aduocat ou nostre procureur le prisonnier present Et si ledit crimineulx estoit porteur de lectres de remission ou pardon il les presentera a genoulx pour au surplus les appoincter en iugement et au conseil ainsi que de raison.

**Lxxix**

**I**tem et en matieres criminelles quant les parties sont appoinctees cōtraires et en enqueste si la matiere y est disposee le prisonnier sera essargy en baillāt bōne et souffisant caution de comparoir en personne au iour q̄ lenq̄ste se deura rapporter ou estre receue.

**Lxxx**

**I**tem que en toutes matieres criminelles lenquesteur ou cellui qui aura fait les enquestes sera tenu de faire rapport du secret de son enqueste a noz baillifs seneschaulx & iuges ou leurs lieutenans Et si mestier est monstrier et cocter les principaulx tesmoins a nostitz baillifs seneschaulx et iuges ou leurs lieutenans en la presence de noz aduocat et procureur ou iceulx appeller auant leur rapport ou reception de ladicte enqueste pour cōclurre & deliberer entre eulx pour le bien de iustice cōme on deura pceder contre laccuse au iour de son essargissement affin de le restraindre faire confrontations ou aultre procedure contre luy selon que la matiere y sera disposee.

**Lxxxi**

**I**tem que en toutes matieres criminelles se lon trouue que en voyant et cōsultant le proces ordinaire que le prisonnier essargy doïue estre cōdāne en aulcūe peine corporelle criminelles ou ciuile nostitz baillifs seneschaulx & iuges ou leurs lieutenans serōt restraindre ledit prisonnier ou en aduertirōt nostitz aduocat & procureur pour en faire la diligēce affin que iustice soit assuree de la personne du condamne et que la sentence soit pronōcee en sa presence et incontinent epecutee.

**Lxxxii**

**I**tem que toutes amendes seront tauees par vngmesme registre avecques la cōdamnation appelez noz aduocat et pcurer et aultres apās interestz & eulx ouys sans les tauper secretement ne par registre a part de laq̄lle taupation nostre recepueur pourra leuer vng roolle se bon luy semble.



**Lxxiii**

**I**tem que les condânez en l'amende enuers nous tiendront prison iusques a ce que payement soit fait Et ne pourra le greffier bailler escroue ne deliurâce audit condamne sil na la quittance de nostredit recepueur ou les deniers en ses mains dont il sera tenu respondre a nostre recepueur.

**Lxxiiii**

**I**tem semblablement les condânez en amende et a tenir prison pour l'interest de la partie ne seront deliurez sans ce que le cōsentement de ladicte partie soit enregistre duquel ledit greffier fera mention en son escroue.

**Lxxv**

**I**tem & au regard de ceulx qui auront fait faire aucuns emprisonnemēs a tort ilz tiendrōt prison iusques a ce quilz ayent paye les dommaiges & interestz telz quilz seront taupez par iustice et quil en soit apparu par l'escroue dudit greffier.

**Lxxvi**

**I**tem que tous porteurs de remission pardon ou aultres de quelque estat que ilz soient seront tenez de les presenter en iugement & en sera fait lecture en leur presence nue teste & a genoulx. noz pcureur & aduocat & les parties saulcunes en ya appelees. Et sera le requerant interrogué par sermēt si lesdictes lectres contiennent verite: et sil en demāde l'enterinemēt. Et incōtinent requiere ou non sera réuoye en prison pour estre plus amplement interrogué sur le cas: mesmement sur les informations saulcunes en ya. Et sil ya informations precedentes ou subsequentes lesdictes lectres qui le chargent plus que le contenu en ses lectres & la matiere y est disposee lon procedera contre luy extraordinaryment sur la surreption ou oreption desdictes lectres selon le contenu esdictes informations ainsi que dit est dessus des aultres criminelz.

**Lxxvii**

**I**tem et si lon trouue lesdictes lectres de remission pardon la cōfession dudit prisonnier et lesdictes informations conformes et consonans noz aduocat et pcureur avec les parties seront oupes pour au surplus estre procede a l'enterinemēt desdictes lectres ainsi quil appartiendra par raison.

**Lxxviii**

**I**tem nous defendōs a tous nosditz baillifz seneschaulx & iuges ou leurs lieuxpten. noz aduocat & procureur tous greffiers enquesteurs & tous noz aultres officiers quilz ne preignent ne exigent doresenauant cinq solz tourñ. ne aultre somme de deniers ne choses equipollentes par eulx ne par interposites personnes pour les esslargissemens desditz prisonniers adiournez a comparoir en persōne ou arrestez quelque coustume louable ou vsaige qui soit au cōtraire Laquelle nous auōs abolye et abolissons. Et semblablement defendons tant a nosditz baillifz seneschaulx & iuges ou leurs lieuxptenans enquesteurs



greffiers que a nosditz procureur et aduocat que pour l'enterinement desdictes lectres de remission pardon ou rappeau de ban ilz ne preignent aucune chose par eulx ne par interposite personne sur peine de suspension ou priuation de leurs offices quelque coustume ou vsaige qui puisse estre au contraire.

**Cxxxix**

**Item** nous enioignons ausditz greffiers quilz facent registre de to<sup>r</sup> appointemens sentences interlocutoires et aultres actes iudiciaires. sur lesquelz registres lesdictes expéditions seront leuees quant les parties le requerront par vng petit breuet de parchemin quant a celles qui ne seruent que pour instruction de la cause & n'emportent aucune commission ou decision sil nen estoit appelle. Lequel breuet sera signe dudit greffier ou son commis seullemēt sans y faire apposer signet seel ou marque de nosditz baillifz seneschaulx iuges royaux ou leurs lieuten. & sans en prendre aultre chose q<sup>e</sup> le droit du greffier aisi quil est acoustume raisonnablement.

**Cxxx**

**Item** nous defendons a nosditz greffiers quilz ne signent riens des expéditions et appointemens qui ne soient contenuz en leur registre & quilz n'ayent que vng clerc qui signe en leur absence. Et oultre q<sup>l</sup>z n'ayent aucuns clerks de quoy ilz ne deussent respondre & q<sup>l</sup> ne soiēt experts en pratique bien famez & renommez & aiēt fait le serment a iustice.

**Cxxxi**

**Item** nous ordōnons que nosditz baillifz seneschaulx et iuges ou leurs lieuten. ayēt iours ordinaires & deputez pour ouyr les plaidoyries & aultres iours de p<sup>seil</sup> pour iuger les proces selō les coustumes louables des sieges & es lieux ou il ny auroit aucune coustume de ce nous voulons y estre pourueu par noz officiers et voulons quilz soyent tenuz de vacquer a l'expedition des prisonniers a iour de vendredi & tous les aultres iours de la sepmaine quant mestier sera.

**Cxxxii**

**Item** nous defendons a tous noz baillifz seneschaulx et iuges quilz ne facent aucunes institutions d'aucuns officiers ou de maistres de mestier sans appeller noz aduocat et procureur et aultres ayans intereſtz en la matiere. En declairāt tout ce qui auroit este fait au contraire de nul effect et valeur.

**Cxxxiii**

**Item** nous enioignons a tous noz baillifz seneschaulx et iuges ou leurs lieuten. que auant que eulx leuer de leurs sieges ilz facēt lire et publier tous les defaulx qui par eulx ou l'ung d'eulx auroient este baillez cedit iour & quilz facent que les presens soyent rabatus sans riens payer en prenant appointement et procedant a la cause. Et ce fait & nosditz iuges ou leurs lieuten. leuez ne seront plus rabatus lesditz defaulx sans cause



legitime ne sans appeller les parties qui les auroient obtenuz Et sans ce que celluy qui aura obtenu ledit default puisse estre mis en default dudit iour.

**Cxxxiii**

**Item** q les procureurs qui comparoistront pour les parties seront tenuz de mettre leurs procurations au greffe silz en sont requis & seront tenuz lesditz greffiers de les enregistrer si lesditz procureurs pour les parties les veulent recouurer. sinon les enfuler & garder pour seruir et valloir ce que de raison.

**Cxxxv**

**Item** auons enioinct a nostre chancelier et luy defendons expressement que qque chose q luy pussions dire ou escrire au contraire par importunite de poursuite ou aultrement que les lectres qui serot deliberees par nostre conseil pose ores quelles feussent par nous comandees: soient seellées et expediees ou reiectees selon et en ensuyuant ce qui en sera conclud et delibere par nostredit conseil.

**Cxxxvi**

**Item** nous ordonnons que les principales parties qui ont lectres a seeller leurs seruiteurs et sollicitateurs nentrent point au seau affin que les lectres puissent mieulx et plus franchement estre deliberees et debatues en leur absence Et aussi nentrent audit seau que les maistres des requestes de nostre hostel conseillers secretares et aultres necessaires pour le fait dudit seau. Lesquelz seront tenuz de faire serment es mains dudit chancelier de non reueler en maniere aucune aux parties les ditz et oppinions de ceulx qui auront parle de la despesche de leurs lectres.

**Cxxxvii**

**Item** que les rapporteurs de chancellerie feront serment de dire et declairer la diffi culte quilz verront et trouueront estre es lectres quilz rapporteront.

**Cxxxviii**

**Item** que nos secretares feront semblablement serment de non riens prandre pour la seulle et simple signature des lectres.

**Cxxxix**

**Item** & pource q souuent aduient que les contes barons cheualiers gentils homes & aultres apans terres hommes et subgetz en nostre royaume pays & seigneuries se tra uailent iournellement de leuer sur leursditz homes et subgetz et aultres leurs boyssins plusieurs sommes de deniers quantitez de grains et de vins coruees charroys et aultres choses extraordinaires tant par remonstrances quilz leur font & font faire de les garder de gens darmes menasses que aultres boyes indeues et desraisonnables a la grāt foule de nostre peuple. Doulans a ce pourueoir & garder nosditz subgetz de toutes oppssions



et fouilles comme raison est nous auons fait et faisons inhibition et defense a toutes manieres de gens de quelque auctorite preheminance et qualite quilz soient : quilz ne prennent ne exigent ou permectent prandre ou exiger en leurs terres et sur leurs homes & subgectz ou aultres aucunes exactions indeues par forme de don tailles aydes couues ne aultrement indeuement sinon es cas esquelz ilz leur seront tenuz et redouables et les pourront contraindre par iustice sans leur vouloir et consentement sur peine de rendre le double. Et quant aux parties payans de peine arbitraire.

### **Cxxxix**

**Item** pource que auons este aduertiz q nos gouuerneurs baillifz seneschaulx & iuges leurs lieuten. & aultres nos officiers soubz couleur de leurs offices prennent plusieurs dons des notaires sergens & aultres ests de leurs gouuernemens bailliages seneschaulcees & iurisdicions. A iceulx pour ces causes auons prohibe et defendu prohibons & defendons quilz ne preignent ne recoiuent par eulx ne par interposites personnes aucune chose soit par forme de don gratuite liberalment fait ou aultrement en quelque maniere q ce soit desditz notaires sergens et aultres nos subgectz desditz sur peine de priuation de leurs offices et quant a nosditz subgectz damende arbitraire.

### **Cxl**

**Item** et pource que auons este aduertiz que plusieurs seigneurs & gentilz hommes mettent par chascun iour leuages et nouueaulx subsides sur les marchandises qui se mettent sur les riuieres et fleues nauigables a la grant charge de nostre peuple Pour ces causes auons ordonne et ordonnons que en chascun fleue ou riuere nauigable les marchans frequentans lesdictes riuieres et fleues pourront faire bourse commune et imposer sur leurs marchandises aucunes sommes de deniers pour la tuition et defense de leurs marchandises le tout en la forme et maniere de la bourse establie par les marchans frequentans la riuere de lopye.

### **Cxli**

**Item** et pour obuier aux abus qui ont este faitz parcy deuant es seaulx rigoureux et mesmement du petit seel de montpellier: est ordonne ce qui sensuit. Et premierement q dorresenauant dung mesme debte terme ou somme escheue a payer: le creancier ne pourra exposer vne clameur de tout ledit debte ou partie dicellui ainsi q bon luy semblera iusques a ce que ladicte clameur soit entierement & deuement excecutee. Et sil aduenoit quil y eust opposition ledit creancier ne pourra aultrement clameur exposer iusques a ce quelle soit vuidiee et terminee par sentence non obstant que en linstrument les parties ayent consenti et accorde du contraire.

### **Cxlii**

**Item** que la garde dudit petit seel ou ses lieutenans ne pourront recevoir aucune clameur sans deoir linstrument obligatoire passe a la rigueur dudit petit seel signe & ta



ip  
bessionne. et que le créancier mette ou face mettre par main du lieutenant par lequel se exposera ladicte clameur au dos dudit instrument la somme pour laquelle voudra exposer ladicte clameur et le livre ou feuillet sera enregistré et par qui sera exposé.

Cpliii  
Item que lesditz créanciers seront tenus exposer lesdictes clameurs qz voudront exposer contre leurs debtors au plus prochain siege dont sera ledit debteur ou créancier. et lesquelz clameurs ledit créancier fera exécuter par les prochains sergens dudit petit seel dudit lieu dont sera ledit debteur. Et sera permis ausditz créanciers de porter et présenter eux mesmes ou faire porter et présenter sans sergent dudit petit seel lesdictes clameurs aux iuges et officiers ordinaires dont seront leurs debtors pour les faire mettre a exécution Et en cas de refus ou delay q les ordinaires ne voudroient exécuter ou faire exécuter lesdictes clameurs sera licite aux créanciers ou messagers prendre les plus prochains sergens de ladicte court dudit petit seel dont seront lesditz debtors.

Cpliiii  
Item lesditz lieuten. de ladicte garde ne pourront ne deurot arrester ne prendre a ferme les decimes et emolumens dudit petit seel ne aucun membre dicelluy Et pareillemet ne pourront estre parconniers ne avoir intelligence avec les fermiers desdictes decimes et emolumens Pour obuier aux concussions et abus quilz y pourroient faire et mettre sur peine de priuation doffice et d'amenue.

Cplv  
Item q apres q ladicte clameur sera exposee ledit garde desditz lieuten. et fermiers desdictes decimes et emolumens actendront trois mois ou le quarteron quil soit passe auant qz puissent contraindre ledit debteur pour ladicte decime contre qui sera expose ladicte clameur pour les decimes et emolumens dicelles. Et si ledit debteur se oppose a sencontre de lexecution de ladicte clameur Pareillement ne pourront exiger ne leuer lesdictes decimes et emolumens iusques a ce q ladicte cause soit finie et terminee par sentence. Et ce fait dedans le temps et terme de cinq ans deura exiger et recouurer lemolument desdictes clameurs et decimes. Sans ce q passe ledit temps luy soit permis en demander aucune chose. Et en ensuyuant les ordonnanc. anciennes et stilles dudit petit seel seront tenus lesdictes gardes et lieuten. ou fermiers demander les emolumens et decimes desdictes clameurs audit debteur a leurs despens Une fois tant seulement auant q pour icelles les puissent employer exécuter ou faire despesse.

Cplvi  
Item pource q les gardes dudit petit seel le temps passe ont employe et augmente les sieges plus q le nombre contenu es ordonnanc. et institutions dudit petit seel oultre les lieux ordonnez d'ancienete. Cest assauoir de pezenas: carcassonne: clermont en auvergne: tholouse: alby: villefranche: mende: villeneuve lez auignon. le pont saict esperit: le pup: lyon: saict flour: paris: vzes: gignac et tulle. et ont establi lieuten. en aultres diuers lieux oultre les lieux dessusditz et en plus grant nombre A este ordonne q les sieges ou lieuten. seront reduitz audit nombre ancien seulement selon ladicte institution et fondation dudit petit seel.



**¶ Lxxvii**

**¶ Item** a cause q par cy deuât lesditz lieux tenans prenoient cinq sols tourn. pour les registre lectres et seel A este ordonne que doresenauant ladicte garde ne lesditz lieux tenans ne prendra ne recouurera pour ses emolumens desdictes clameurs sinon ce que anciennement a par la fundacion dudit petit seel leur a este taupe a ordonne qui est pour la fondation commission clameur de seel douze deniers parisis. a pour la quictance douze autres deniers tant seulement qui sont deux sols six den. tourn. Et touchant la decime ne sera leue que la iuste et vraie decime de la somme pour laquelle la clameur a este exposee avec les emolumens dune maille pour liure quant le debte excedera la somme de vingt liures tourn.

**¶ Lxxviii**

**¶ Item** pource que lon a trouue en plusieurs lieux les clerks ou comis des gardes et lieux tenans qui portoient grant multitude de roolles pour epecuter a leuer les decimes des clameurs parquoy se faisoient a comectoient plusieurs abus a faulsetez A este aduise q chascun lieu tenans fera vng liure ou carte se besoing est cestassauoir vng pour chascun quarteron Lequel liure ou liures seront reliez en bonne forme a apres sera escript au comancement dudit liure par ladicte garde ou son lieuten principal le nombre des fueilletz et signe apres de son seing manuel a icelluy liure en fille a seelle du seel de ladicte court affin quilz ne se puissent changer Et pareillement sera mis audessus dudit liure le nom ou lectre de ladicte garde ou sondit lieutenant tel quil voudra q se nome ledit liure. Lesquelz lieux tenans de ladicte garde seront tenez porter lesditz liures pour les signer et seeller come dit est audit motpellier chascun an a la feste saint loys ou q ladicte garde ou sondit lieutenant se bon luy semble puisse aller sur les lieux et sieges pour ce faire.

**¶ Lxxix**

**¶ Item** que lesditz lieux tenans seront tenez enregistrer oudit liure incotinēt les clameurs exposees auant quilz en puissent bailler aucunes lectres Et seront lesdictes clameurs escriptes si pres lune de lautre quil ny pourra aucune chose estre adioustee et continuee iusques a la fin du fueillet: affin que pareillement aucune chose ne se y puisse adioster ou mettre. Et aps vne chascune clameur sera rapee a ce qui demourera a escrire esigne au bout du fueillet. a a la fin de chascun quarteron ou annee sera permis a la garde a aux fermiers desdictes decimes prendre et recouurer es liures originaulx des lieux tenans en payant ou saccordans des droitz a emolumens avec lesditz lieux tenans pour leurs droitz a le registreur de ladicte ville de montpellier ne prendra tant pour les quictances registres que lectres de clameurs que ainsi quil est acoustume. et baillera a la fin de chascun quarteron le liure audit garde ou fermier ou le double collacione en luy payant raisonnablement ce qui sera aduise.

**¶ Lxxx**

**¶ Item** ne pourrōt iceulx lieux tenans recevoir aucune clameur hors leurs sieges ne bailler aucuns blancs a leurs clerks ne a autrre pour les porter par le pays ne faire aucun comis estans hors desditz sieges dessus nommez Sur peine de cent liures tourn. damēde a nous a applicquer pour chascune fois quilz seront trouuez faisans le contraire.

**D**



**Lxi**

**I**tem seront tenuz lesditz notaires et lieuxpten qui signeront les lectres executoires desdictes clameurs mettre icelles lectres executoires et aussi les roolles pour leuer lesdictes decimes et clameurs qui se feront. **L**estassauoir le nom qui aura expose ladicte clameur. **V**idelicet creditoris. et contre qui aura este expose scz debitoris. et lan et iour qui sera expose. et lan et iour de l'instrument ou obligation et de signer le nom du liure et du fueillet ou ladicte clameur aura este exposee. **E**t ladicte designation dudit fueillet: et se fera apres le nom du liure et du fueillet ou ladicte clameur aura este exposee. **E**t apres se mettra la date et specifiera la somme duee pour lemolument de la decime. **E**t pareillemēt en la quittance sera specifiée la somme qui aura este receue tant pour la decime que pour les emolumens dicelle. **S**ur peine de payer le quadruple et damende arbitraire.

**Lxii**

**I**tem pour obuier aux despēses que les sergens font aux debiteurs au moyen des annees quilz vont obtenir des seneschaulx baillifs ou viguiers aucuneffoiz deux ou trois iournees loing des debiteurs. **A**este ordōne que desdictes clameurs dudit seel ne se prendra aucune annee ou lectres de pareatis. fors seulement que le sergent porteur desdictes clameurs sera tenu de insinuer icelles aux officiers ordinaires ou il viendra faire ladicte exécution ou ledit debiteur sera sa residence. **L**esquelz ordinaires feront lesdictes exēcutiōs ou les feront faire. **E**t silz estoient refusans et en demeure: lesditz sergēs pourront faire ladicte exécution et non autrement. **E**t si ledit creancier veult enuoyer ung sergent du lieu ou il fait sa demeure il ne sera paye si nest comme il eust este prins au plus prochain lieu du debiteur. **E**t dehors le royaume seront cōme par auāt ioupte ledit stile.

**Lxiii**

**I**tem et silz ont a faire plusieurs exēcutiōs en vne ville ou villages de la enuiron lesditz sergens le feront tout en ung iour ou ce que possible leur sera. et ne leur sera paye pour toute leur iournee encores quilz facent plusieurs exēcutiōs q diu solz tourn pour iour silz sont a cheual. et cinq solz tourn silz sont a pie.

**Lxiiii**

**I**tem et affin que lesditz sergēs ne facent raencōner lesditz debiteurs. **A**este ordōne que lesditz sergens se feront payer et contenter de leurs iournees par le creancier et sermient impetrās de ladicte clameur ou roolles desdictes decimes selon ladicte taupe qui depuis recouurera ladicte despēse sur lesditz debiteurs. **S**ans pouoir leuer ne exiger aucune chose desditz debiteurs sur peine de perdre son salaire et damende arbitraire.

**Lxv**

**I**tem q ledit sergēt sera tenu auoir sa lectre doffice de nous apres quil sera nōme par la garde et dedans ung an obtenir la cōsirmation aussi de nous et p̄senter noz lectres pour estre veriffiees par le iuge ou garde deuant lesquelz ou l'ung deulx baillera ses p̄sēs et cautōs et sans icelles ne luy sera obey. **E**t sil estoit trouue ledit sergent abuser et



enfreindre lesditz articles pourra estre arreste et pugnny par lesdictes ordonnances selon le pignee du cas Et seront les noms desditz sergens enregistrez en vng tableau a la court dudit petit seel pour y pourueoir quant couiendra pourueoir ausditz offices par mort forfaiture ou autrement.

**Lxi**

**I**tem et pource q plusieurs debiteurs pour frauder leurs creanciers le temps passe ont fait et font plusieurs discussions boulentaires et saintes en ladicte court par le moyen d'aucunes intelligences quilz ont avecques certains saintz creanciers soubz ombre de ladicte discussion impetrent lectres par lesquelles lesditz creanciers ne peuvent poursuiure leurs debtes dont aucunes fois sont durer ladicte discussion quarante ou cinquante ans a la grant fousse et deception du peuple Aeste aduise pour obuier a telles malices et abus q incotinent introduicte ladicte discussion les creanciers nauront q deux delais a iustifier leur opposition et debte. Et incotinent icelles iustifiees sera ordone les biens de celluy qui aura introduict ladicte discussion estre venduz et deliurez a l'equant publicque et le pris porte deuers la court pour icelluy distribuer es locatios selon priorite et posteriorite en ensuyuant disposition de droit. et q nulles saintes prioritez ne seront admises par ledit iuge Sur peine damende arbitraire.

**Lxii**

**I**tem et pour corriger et pugnir chascun an les abus pilleries roberies et exces qui se pourroient faire en ladicte court par lesditz lieuyten sergens ou autres et pour venir et estre a la confrairie de saint loys et payer ladicte confrairie come aeste acoustume seront tenuz lesditz lieuyten et sergens de ladicte court dudit petit seel venir en personne chascun an audit motpessier a ladicte feste saint loys come est de coustume et ioupte le stille dudit petit seel Et ce sur peine de priuation de leurs offices et d'aultre amende arbitraire.

**Lxiii**

**I**tem pource q les aduocatz de ladicte court ont ia pieca itroduit vne nouuelle itroduction de cause en ladicte court pour multiplier proces et escriptures sans estre obligez audit petit seel par moyens obliques et par remissions transportz et cessions quilz font des vngs aux autres et q lon appelle trebellianne qui est exorbitant et contraire a droit Aeste et est ordone q totalement lesdictes trebellianes seront abolies cassees et adnullées et ne sera loisible ausditz iuges receuoir ne admettre dorisenauant semblables itroductions.

**Lxiv**

**I**tem pource q les aduocatz et notaires pour leurs patrocines font grans exactions et prennent pour chascun terme cinq solz chascun deulx A cause de quoy multiplient proces et escriptures. et ou les causes selon l'ancien stille doyent estre diuidees en quatre termes prolonguent par plusieurs termes superfluz. pour reprimer telles exactions indeues Aeste ordonne q lesditz aduocatz et notaires ne prandront chascun pour chascun terme q deux solz six deniers tourn. Et ne leur sera riens taupe des termes et escriptures superflues.

**D ii**



**I**tem cōbien que le iuge dudit petit seel soit iuge cartulaire. **T**outesfoiz au moyen des rescriptz de chācellerie impetrez par les parties venans en cause depuis q̄lle est intro-  
duicte ledit iuge cognoist indifferēmēt en forme de proces ordinaire et par ainsi occupe le  
premier ressort du seneschal & obmisso medio font reuoluer les appellatiōs en parlement.  
**A**este ordōne q̄ ledit iuge en iugeāt ledit pces pēdāt par deuāt luy naura esgard ausditz  
rescriptz sinon tel q̄ de droit. **E**t iceulx non obstant se deuolueront lesdictes appellations  
en ladicte court du seneschal cōme premier superieur.

**Elvi**

**I**tem pour lesquelz nos ordonnances garder obseruer et entretenir de point en point selon leur forme et teneur Nous auons ordonne et ordonnons q tous nosditz p̄sides et cōseillers p̄cureurs et aduocatz les quatre notaires greffiers et huiſſiers de nos cours de parlemens feront leurs sermens en la forme et maniere qui sensuit. Et p̄mierement lesditz p̄sides iureront de garder et entretenir ces p̄sentes nos ordonnances en ce qui leur en touche et peut toucher Et aussi les anciennes faictes par nos p̄decesseurs roys par ceste non desroguée Aussi iureront les faire entretenir a nos cōseilliers de ladicte court de point en point. Et p̄mectrōt sil vient a leur cognoissance q aucuns des cōseilliers soient infracteurs dicelle de no<sup>9</sup> en aduertir la ou ladicte court ny aurait pourueu. Et de mectre toute diligēce a eulx possible de senquerir des transgresseurs Semblablement feront tel sermēt que dessus les p̄sidents des enquestes faire garder et entretenir nosdictes ordonnances chascun en leurs chāmbres. Et nosditz cōseilliers iurerōt cōme dessus de porter honneur et reuerēce a leursditz p̄sidents obeyr a ladicte court Aussi garder et entretenir cesdictes p̄sentes ordonnances et les anciēnes cōme dit est par cestes non desroguées sans aucunement les enfreindre ne venir au contraire. Et en oultre les autres sermēs quilz ont acoustume de faire. Et pareillement nos aduocatz et procureurs generaulx les quatre notaires greffiers et huiſſiers de nostredicte court de parlement feront le serment dessusdit de garder et entretenir nosdictes ordonnances chascun en son regard.

**¶** Si donnons en mandement en oultre par ces mesmes p̄sentes A noz amez et feaulx cōseilliers les gens tenans nostre court de parlement a Paris &c. Que nosdictes p̄sentes ordonnāces ilz facent lire & publier en leurs cours iurisdiciōs & auditaires et icelles enregistrer affin de perpetuel memoire. Et au surplus les gardent obseruent et entretiēnent ou facēt garder obseruer & entretenir iuiolablement sans en fraindre de point en point selon leur forme & teneur. Et pource q̄ de ces p̄sentes len pourra auoir a faire en plusieurs & diuers lieux No<sup>r</sup> Voulo<sup>r</sup> q̄ aux Vidim<sup>9</sup> dicelles ou de seextraict de lung ou de plusieurs articles dicelles selon quilz serōt requis et q̄ lon en pourroit auoir a besongner saiz soubz seel royal ou par lung des greffiers de noz cours de parlemens bailliages ou seneschaucees deuement collaciōne soy soit adioustee cōme a ce present original. Auquel affin que ce soit chose ferme et estable a tousiours nous auōs fait mettre nostre seel. Dōne a bloys ou mōys de mars Lan de grace Mil. CCC. xcviij. Et de nostre regne le p̄mier. Sic signatum Par le roy en son conseil. ouquel messeigneurs les cardinal damboise et duc de lorraine &c. Visa Robertet.





**D**ys par la grace de dieu roy de france A tous ceulx qui ces p̄sentes lectres  
verront salut Comme puisnagueres par laduis et deliberation de plusieurs  
des princes & seigneurs de nostre sang & lignaige plat & aultres bons gr̄as  
et notables parsonnaiges et gens de nostre cōseil de noz cours de parlem̄s  
et aultres pour ce assemblez en gr̄at nōbre Nous ayōs fait auctorise et decrete plusieurs  
notables cōstitutions statuz et ordonnāces touchant le fait de la iustice de nostre royaume  
Concernāns le bien de nous nostredit royaume et la chose publique dicelluy & icelles  
fait mettre en forme aīsi quil peut apparoir par icelles Ausquelles ces p̄sentes sont acta-  
chees soubz nostre cōtreseel Et soit aīsi q̄ depuis noz amez & feaulx gens de nostre par-  
lement a paris ayent veu et visite les pointz & articles dicelles ordonnāces. lesquelles ilz  
ont trouuees tresb̄tises En adioustāt a icelles certains articles et modificatiōs mesme-  
mēt sur les. xxiii. xxviii. xxxi. et. xxxii. articles Par ce q̄ en la forme quilz sōt couchēz  
ilz sont trop rigoureux et ne se pourroient bōnemēt obseruer ne entretenir sans le trop gr̄at  
dōmaige & interest des parties. Lesquelz articles aīsi modifiez & aucūns aultres par les  
gens de nostredict court nouuellement aduisez ilz nous ayent baillē nous suppliāt les  
veoir & faire visiter et sur le tout en deliberer & ordonner a nostre bon plaisir Sauoir fai-  
sons q̄ nous ce cōsidere et apres q̄ auōs veu & fait veoir et visiter lesditz articles par auc-  
cuns gr̄as parsonnaiges experientez ou fait de la iustice et en ensuyuant leur aduis &  
deliberation iceulx articles & modificatiōs Auōs voulu et ordōne voulons ordōnons et  
nous plaist de nostre p̄leine puissance et auctorite royal par ces p̄sentes estre & demourer  
en la forme maniere et effect qui sont cy apres inserez Cestassauoir l'article. xxiii. cōmen-  
cant **I**tem ordōnons q̄ en ensuyuāt les ordōnāces faictes par noz p̄decesseurs &c. sera  
entendu & execute soubz la forme qui sensuit. **I**tem ordōnons q̄ en ensuyuāt les or-  
dōnances faictes par noz p̄decesseurs q̄ tous nosditz p̄sidents & p̄seilliers se trouuerōt a la  
saint martin sur la peine cōtenue esdictes ordōnances Et declairons & voulons q̄ quel-  
ques lectres missiues q̄ escriuions a nosditz p̄sidents & cōseilliers pour les faire demourer  
& retarder apres ladicte feste saint martin ou aller en commission durant ledit parlemēt  
pour lesdictes parties ilz ne cōtreuenient a ladicte ordōnance & q̄ soubz ombre dicelle ilz  
ne puissent pretendre ne alleguer excusation legitime. En declairāt les enquestes execu-  
tions darrestz et aultres exploits faitz par nosditz p̄sidents et cōseilliers durant ledit  
temps en contreuēāt a nosdictes ordōnances soubz ombre de nosdictes lectres nulz et  
de nul effect et vateur. Sauf toutesfoiz aux parties dauoir leur recours respectiuement  
cōtre lesditz p̄sidents et cōseilliers pour les salaires a eulx payez & tous despens dōma-  
ges et interestz faitz souffers et soustenuz pour raison et a cause desdictes cōmissions.  
**L**article. xxviii. p̄mēcant **I**tē & auq̄l iour ilz appellerōt &c. sera aussi et demourera cō-  
me il sensuit. **I**tem et auq̄l iour ilz appellerōt avec eulx deux p̄seilliers de chascune  
chambre Ausq̄lz no⁹ auōs charge & enioinct chargeōs et enioignōs sur leur hōneur & p̄sciē-  
ce & le deuoir de leur office q̄ oultre les matieres desq̄lles audit iour de mercredi ilz doyēt  
deliberer & cōmuniquer selon ladicte ordōnance ilz regardēt aduisent & preignēt ensemble  
cōseil aduis & meure deliberation de ceulx de ladicte court soyēt p̄sidents cōseilliers ou aul-  
tres lesq̄lz en mesprisant cōtreuenant ou mettant a nonchalloir nosdictes ordōnances se-  
roient trouuez irreuerans & desobeissans a nous a ladicte court ou aux p̄sidents dicelle



ou qui seroient negligēs ou nōchalans de Venir en ladicte court aux iours & heures quil  
est requis et y faire la residence deue et ordonnee ou qui ne seroient leur deuoir de rappor-  
ter et extraire les proces et matieres dont ilz sont ou seroiēt charges Sans vacquer aux  
deliberations et conseilz de ladicte court: rapportz et oppinions des presidens et conseil-  
liers dicelle. ou que de leur auctorite seroient chose reprehensible ou desrogeant a nosdictes  
ordonnances a lhonneur et grauite de ladicte court et des presidens dicelle. ¶ L'article  
xxix. commençant **I**tem et ausquelz presidens. &c. sera et demourera pareillemēt: en-  
tendu soubz la teneur cy apres declairee. ¶ **I**tem et ausquelz presidens et conseilliers  
ainsi assemblez que dit est Auons donne & donnons charge cōmission puissance & aucto-  
rite et expressement enioinct de remonstrier aux presidens conseilliers et aultres supposts  
de ladicte court quilz trouueront estre coupables des faulces irreuerences & negligences  
dessusdictes et quilz verront a remonstrier et silz voient la matiere disposee et que le cas le  
requiere Sur quoy chargeons leur honneur & conscience comme dessus de mettre le iour  
ensuiuant toutes aultres expeditiōs cessans la matiere en deliberation en pleine court  
Pour par elle estre procede a la suspension et priuation doffice ou aultre peine selon lexpi-  
gence du cas q ladicte court verra estre a faire par raison. Et en oultre enioignōs & mā-  
dons ausditz psidens et sur peine de nous en prendre a eulx q les dessusdictes assemblees  
inquisitionis deliberatiōs et pugnitiōs ilz facent faire registre a part. dont voulons q de  
six mois en six mois nosditz psidens no<sup>r</sup> aduertissent pour en faire venir lūg deulx ou  
plusieurs deuers nous si voyons q bon soit. ¶ L'article. xxxii. cōmençant esdictes ordō-  
nāces. **I**tem & affin que lesdictes nominations ou elections se facent. &c. sera aussi & de-  
mourera en la forme et effect qui sensuit. ¶ **I**tem et affin q lesdictes nominations ou  
elections se facent sans faueur & fraude. Voulons et ordōnons en oultre q dorēsenauant  
lesdictes nominations et elections se feront publicquement de viue voiz et non par bal-  
loctes & q des trois parsonnaiges quon a acoustume deslire & nōmer ne se pourra nōmer  
ou eslire q vng parsonnaige natif de nostre ville de paris iacoit ce que les semblables ar-  
ticles soient aultrement & daultre effect couchez esdictes ordōnances cy actachees Sans  
piudice toutesuoyes desdictes ordōnances en autres choses Et icelles demourās au sur-  
plus en leur force & vertu. Et oultre par laduis & deliberatiō q dessus & de nostredicta gra-  
ce puissance et auctorite royal Auōs voulu & ordōne voulons et ordōnons estre adioustē  
et mis mectons et adioustons avec lesdictes ordōnances les articles cy apres declairez.  
¶ **I**tem et pource q auōs este aduertiz q du viuāt de nostredit feu seigneur & cousin le  
roy charles. viii. et dernier Aeste par luy dōne baille & octroye par importunite ou autre-  
ment a plusieurs et diuerses personnes estrangiers & non natifz de nostre royaume plu-  
sieurs lectres de naturalite pour tenir benefices et offices en nostredit royaume pays et  
seigneuries qui nont encores este employees: et dont les parties seouldroiet par aduen-  
ture efforcer deulx en ayder cy apres Nous voulās a ce dōner puiſion: actēdu q telles le-  
ctres et octroyz sont grādemēt piudiciables a noz ordōnāces sur faictes: toutes lesdictes  
lectres de naturalite pour tenir bñfices en nostredit royaume ainsi baillēes et octroyees  
par nredit feu seignr ausditz estrāgiers qz quilz soiēt non residēs en nostredit royaume  
qui naurōt sorti effect Auōs reuocquees cassees & adnullēes reuocquōs cassons & adnul-  
lons & ne sen pourrōt ayder les pties qui les ont ipetrees pour sauēir en aucūe maniere



Les ordonnances de nos predecesseurs roys faictes en ceste matiere touchant les estran-  
giers demourans en leur force et vertu. **¶** Item enioignons a nostre chancelier ou cō-  
mis a la garde de nostre seel en l'absence du grant que toutes et quantes fois quil sera mis  
difficulte en lectre de chancellerie qui sera rapportee par deuant luy par aucun des mai-  
stres des requestes de nostre hostel ou aultre que ce soit q̄ ladicte lectre ou lectres ne soyēt  
seeltes mais remises au conseil pour la delibérer. Suppose quelle semblast a nostredit  
chancelier ou cōmis bonne ciuile et de iustice: et de conclurre en icelle lectre a la plus grāt  
et saine partie des voiz et oppinions des assistans audit conseil ainsi qu'on a acoustume  
de faire es matieres qui se concluent et determinent en nos conseils et cours de parlemēs.  
Voulās et declairās que lesditz articles cy dessus inserez ainsi nouuellement mis et ad-  
ioustez soient entretenuz observez et gardez et soient d'autel effect vertu et valeur que silz  
auoient este ou estoient couchez esdictes ordonnances cy atachees. Et lesquelz quant a  
ce auōs auctorisez et auctorisons par cesdictes presentes Par lesquelles dōnons en mā-  
demēt a nos amez et feaulx p̄seillers les gens tenās nostre court de parlemēt a Paris q̄  
nos p̄sens declaration vouloir et ordōnāces desdictes modificatiōs et adiūctiōs p̄tenues  
en cesdictes p̄sentes ilz entretiēnent gardent et obseruent ou facēt entretenir garder et ob-  
seruer de point en point selon leur forme et teneur tout ainsi et par la maniere que dessus  
est dit sans y faire difficulte. Et saucun empeschement estoit fait mis ou donne au con-  
traire. se facent reparer et mettre au premier estat et deu. car tel est nostre plaisir non ob-  
stant lesdictes ordōnances et sans preiudice dicelles cōme dessus est dit Et quelz cōques  
aultres restrinctions mandemens ou defenses a ce contraires Et pource que de ces pre-  
sentes len pourra auoir a besongner en plusieurs lieux Nous voulōs que aux v̄idimus  
dicelles faiz soubz seel royal soy soit adioustee cōme a ce present original. Auquel en tes-  
moing de ce no<sup>9</sup> auons fait mettre nostre seel. Dōne a Paris le trezieme iour de Juing  
Lan de grace Mil. CCC. xcix. Et de nostre regne le secōd. Sic signatum par le roy  
monseigneur le cardinal damboise L'arceuesque de sens. Les euesques dalsby et de lucon  
Les seigneurs de gye mareschal de frāce et du bouchage et aultres presens Robertet. Le-  
cta publicata et registrata Audito pcuratore generali regis Parisius in parlamento in  
eo domino nostro rege sedēte tredecima die Junii. Anno domini millesimo. CCC.  
nonagesimonono. Sic signatum Pichon.



cm 1 2 3 4 5 6 7 8 9 10 11 12 13 14 15 16 17 18 19 20 21 22

*[Faint, illegible handwriting visible through the paper, likely bleed-through from the reverse side.]*



soft  
p  
n


r  
m

fr  
m  
h

cm 1 2 3 4 5 6 7 8 9 10 11 12 13 14 15 16 17 18 19 20 21



cm 1 2 3 4 5 6 7 8 9 10 11 12 13 14 15 16 17 18 19 20 21 22 23 24









cm 1 2 3 4 5 6 7 8 9 10 11 12 13 14 15 16 17 18 19 20 21 22 23









